

飲雪軒詩集



飲雪軒詩

集

馮 珩



宣統庚戌經畬家塾

飲雪軒詩

飲雪軒詩集序

古者鄉大夫退隱於家則施教於鄉里其德行道藝往往足爲後進取法後世士夫以官爲家退則無所歸昌黎韓氏至引揚侯不去其鄉爲法然則自唐以來知此義而行之者蓋尠矣慈谿楊年文理庵先生爲翰林同館前輩孝臧通仕籍先生先已引養歸里未通聲歟及與哲嗣壽孫部郎德孫太史捧手輦下相習既久益知先生非獨以文學結

主知卽其進退之節深有合於古義者爲可慕也方先生著作承明持衡湘沅聲華且日盛乃眷戀庭闈解組養志夕膳晨羞承歡色笑者十有餘年先生齒髮亦垂垂暮矣遂不復出鄉里羣彥從而考道問業成就益宏壽孫昆季亦先後由甲乙科服

飲雪軒詩集序

一

官中外蔚爲國華以視同時輩流名位輝赫一時而先生教澤且賡續有傳於後其優絀殆未易定也先生著述甚富所作飲雪軒詩體格在王孟之間中年嘗客遊粵東續嶺望雲圖題詩見意及官京朝又有千里江關無恙在望雲不復嶺南吟之句又以知先生之詩原本至性雖早退似樂天非但如池上諸篇委心任運遂其閒適之情而已孝臧竊位朝列無補時艱幸乞身辭榮庶幾無甚惡於先生然而舟壑潛移朝市非昔俛仰身世百感橫集視先生挂冠於清晏之時從容暇豫奉親著書相去又不可以道里計矣然則先生之詩所以能上追王孟者亦幸際其時則然尤足發人感喟也夫乙丑冬十月歸安朱孝

臧

光緒慈谿縣志列傳

楊泰亨號理庵慶槐子由咸豐八年舉人授內閣中書成同治四年進士改庶吉士散館授職檢討纂脩國史庚午癸酉兩主湖南鄉試得人稱盛以母老告歸侍養及十年母喪齒六十猶杖而後起幼與伯兄復亨相師友白首無閒言兄歿喪之如父撫孤姪嚴而有恩如己出嘗創建先世明孝子誠祠宇置祭田供祀事就設義塾以教宗人子姓施及鄉里義舉知無不爲最以獎進後起扶植孤寒爲己任歷主郡孝廉堂月湖書院及餘姚龍山書院講席課士一以根柢爲尙有子五人惟伯子家駝以諸生早世次家駉舉人知縣次家駟優貢朝考以知縣用補江蘇溧陽縣次家駒拔貢朝考以刑部七品小京官用

飲雪軒詩集

列傳

一

捷京兆試升本部主事次家驥進士官翰林院編修正途科目備於同產一時豔稱之生平勤學好問工詩文精書法至老手不釋卷鈔劄歲常盈尺日記至易簣乃止熟於掌故蒐采鄉邦文獻不遺餘力著飲雪軒詩文各四卷筆記四卷佩韋齋隨筆二卷光緒二十年七月卒年六十九以子貴累封至通奉大夫

誥封通奉大夫原任翰林院檢討楊公墓表

會稽孫德祖誥

聞之鬱不久者其興也不淳源不遠者其流也不長有若慈谿楊氏自有宋紹興間卜居南鄉楊村千有餘歲世有隱德未嘗以科第顯也入國朝至咸豐八年而檢討公始登鄉榜由內閣中書成同治四年進士入翰林領國史爲養親故辭榮壯歲位不福惠因是以育令子五人厥惟伯子蚤世不竟其才仲以下分占正途科目服官中外濟美競爽有以知來者之未量矣公諱泰亨字履安一字問衢號理庵曾祖超祖兆熊父慶槐三世皆績學有聲庠序母氏任自祖父並以公及諸子貴累贈至通奉大夫妣贈夫人公生而穎異讀書目十行下稟庭誥務爲經世之學制舉文字非所屑然試筆輒驚儕偶老師宿儒得所業或避席起家廩膳生厯試至釋褐主試皆深器之庚午癸酉兩膺特簡典湖南鄉試得人稱最駸駸大用念太夫人春秋高不任庭闈之戀告養歸不復出公惟知諸子之賢而有立所以承世惠而酬國恩者可券之於後人也公孝友出天性旣奉母家居侍養及十稔凡可以爲親娛者無所不至太夫人享上壽寢疾病也躬調湯藥衣不解帶至請減己算以益母年比居喪齒逾不毀猶杖而後起孝之大者尤在善繼贈公之志而述其事也伯兄訓導君少同學相師友推甘讓善老而彌篤兄終喪之如所生撫其孤嚴而有恩如己出女兄弟四推父母之愛致乎愛其季葉貞婦志節之貞蓋交資於兄賢而能勸也

飲雪軒詩集

墓表

遠祖誠以孝行著明公創建孝子祠蠲膏沃供祀事因設爲義塾以教育宗人子姓孝友之所推暨類如此卽凡周親舊振窮乏藿齒賂課農桑濟溝渠平道途通津梁利人利物者事無勿舉見義必爲交劬其心力而不辭宗族鄉黨到今稱之破其澤者謳思猶盈耳焉公爲學崇經術勵躬行汨然寡營而好聚書收藏善本至六萬數千卷築樓庑之立經畚書塾於家延內通才碩學以爲諸子敦學相長之資凡後進材質殊尤者必招致之飲食教誨玉于成而後謙尤以栽植孤露爲己任先後歷主郡孝廉堂若月湖書院若餘姚龍山講席垂二十年益孳窮濂洛關閩之傳精思力踐以爲士範其校莠亦必以根柢磐深爲尙以故隸門下者大率學行并茂聲實相孚騰騫王路項背相

飲雪軒詩集

墓表

二

望焉公胥無城府要於敦本以善俗下至漁樵耕牧藹然齒接人人各稱其意無論士庶得一善津津不去口有不韙亦勿爲媿阿侷侷面折亡所假而育諸子尤嚴雖宦達歸侍輒日課倍誦經史亡少閒歲時張祖父遺挂必立諸子庭下詔之以無忘祖宗之留遺往往泣數行下諸子自是益自奮以底於大成也公少以餘力學文長以餘事作詩著作等身而手不釋卷鈔劄歲常盈尺日記至易簣乃止工書法而作字甚敬每謂卽此是學雖造次無或率易尤勤勲於鄉邦文獻得鄞張忠烈公上虞倪文貞公遺硯就書塾後築雙硯室歲於九月七日醮資爲忠烈會祭籌刊慈谿文徵甫得二種梓行海東逸史嘗及趙戶部家薰馮學正可鏞唱修縣志身總局務審慎詳密終始不懈

比成書而用不給未及校刻而公歿矣公葬於光緒二十年秋七月季六十有九以子貴。覃恩誥封中憲大夫晉通奉大夫配氏王有壺惠具德清俞編修樾志銘累封夫人子五家駮附貢生候選訓導先歿家駮同治十二年舉人儘先選用知縣花翎五品銜家駮光緒八年優貢生花翎同知銜江蘇溧陽縣知縣在任候選道家駮光緒十一年拔貢生十五年順天舉人刑部七品小京官升候補主事花翎員外郎銜家驥光緒十一年舉人十六年進士翰林院編修。國史館協修侍講銜二十三年江西鄉試副考官女子子一適優貢知縣餘姚朱續基孫乘玠監生乘瑗附生乘璐附生乘瑄監生乘琦乘瑄乘琮曾孫廷芬廷華某年月日諸子禮葬公暨王夫人於珉山之隴耐先塋

飲雪軒詩集

墓表

三

用治命也德祖以菲材辱見知於公寔志太夫人墓又嘗綴文爲公六十壽學問行誼與夫生平心契之故略具公之既安窀窆也諸子載郵書謁阡表且曰執友盡矣惟德祖爲足以知公不可以辭抑所以報知己者於是乎在爰著其先系若出處行蹟塋塋大者百世而下必有式公墓而致敬者雖楊崇之克昌厥後猶將徵信於斯文焉

飲雪軒詩集卷一

慈谿 楊泰亨 理庵

外孫咀英張錫誠重校

慈湖講舍友人招飲

道光戊申九月十七日



欲訪太湖石旋過浮碧亭炊煙滿城白秋草四山青文字因緣
在炎涼世味醒酒酣思踏月微雨夜冥冥

同上卽席書贈截句

一笑相逢肝膽傾青衫落拓舊知名更闌人去湖亭畔雲外淒
涼雁一聲

閨思

小院東風長綠苔梨花開盡碧桃開捲簾九十春光老猶有雙
雙燕子來

飲雪軒詩集

卷一

餞春

曲罷陽關別恨長無聊自舉落花觴仙源春去空流水客路人
歸易夕陽芍藥含情猶媚嫵靡蕪憶夢轉荒涼殷勤說與雙飛
燕好啄香泥上畫樑

春來春去自年年風雨聲中一惘然草草因緣三月夢茫茫世
界六朝煙華飛梁苑悲胡蝶柳鎖隋隄泣杜鵑無奈王孫留不
得綠波南浦送君天

谿上踏青詞 存二

已覺東風到柳枝春光百五正芳時王孫去後無消息又是青
青草滿陂

綠波南浦總茫茫別路人歸易斷腸無奈玉關消息遠不堪西

望又斜陽

本意

滿地黃花心惻惻高堂白髮夢依依寒宵孤雁聲二兩但覺秋歸兒未歸

一聲寒杵露華滋獨擁重衾夢覺時枕上思親空有淚五更殘月亂蛩知

己酉寓武林友人招飲不赴

一別一迴憶秋風落葉深垂青君有眼浮白我無心牀冷夜移席窗明蕉破陰淒涼雲外雁應是惜孤吟

遊理安寺

七月二十五日

一徑綠陰深禪房何處尋木魚清入聽禡扇暗銷沈石罅疏泉

飲雪軒詩集

卷一

二

滴

寺有法雨泉

松巔傑閣臨四山回首望嵐翠撲人襟

庚戌七月八日月湖講舍與徐葆甫上舍

向宸

聯句

梧院西風一葉秋等閒身世寄蜉蝣

楊

眼前明月幾今古

徐

外浮雲任去留詩酒狂歌常作客

楊

湖山長眺獨登樓

徐

風味蒹鱸美且放扁舟一浪游

楊

咸豐辛亥紫蟾山房卽事

寒烟抱日暖春鎖梵王宮一徑脩篁裏四山叢翠中壓屋籬筍

折繞屋澗泉通

屋四周磐石引澗水注於池余嘗集句作寺遺門聯云名園依綠竹石磴寫紅泉蓋紀實也

竈誰燒藥龍湫滿壑風

遠塵上人精岐黃術於上年圓寂

癸丑春月甬上僑寓

飛燕一雙聊碧疏高樓岑寂此僑居門無過客常貪睡囊有餘

錢且買書翠柏蒼松武帝廟元亭綠酒子雲車撲簾細雨欺春色海國帆檣壓市閭

漫興

家在谿南楊柳村清泉白石粉牆根綠萍昨夜黃梅雨簷溜參差落漲痕

家在谿南楊柳村年年春漲綠當門槿籬空曲檀變影稗子無人見筍根

家在谿南楊柳村避人何必武陵源斜陽一角橫山道閣閣蛙聲雨後喧

家在谿南楊柳村小橋流水隱柴門輕蟬送夏驚風露幾日隴頭長稻孫

飲雪軒詩集

卷一

三

家在谿南楊柳村稻場臨水散雞豚晚菘早韭田家饒明月清風共一尊

吳山題壁

春風獨上大觀臺乍解金貂貰酒來一卷離騷一囊劍有誰曾識乙邗才

曉行

曉行霜氣溼征衣殘月荒村白版扉欲訪梅花寒徹骨野橋敲側過人稀

湖曉

昨夜驚雷起蠻龍曉煙寒閣鳳林鐘瓜皮艇子無多大任有春愁萬斛容

寄陳伯蘊

吳山越水夢中思，蹤跡風塵有項斯。
賀歲光陰宜中酒，他鄉離索要徵詩。
多君生性耽禪悅，我田園但守雌。
儼屋南屏留舊約，宵懸遺榻待相知。

出蛟關漫賦二律

風帆一葉出關門，瀕洞波濤鬪虎蹲。
大榭東橫煙靄合，小羊北望水天昏。
颯車輓輓諸番舊，津鼓叢叢廢戍屯。
但使犀軍強弩在，縱軍海上殪孫恩。

瀚海功名儻可要，生平豈後霍驃姚。
欲扶鼉柱長安覓，誰劈蛟門振沆漭。
烟雨黃牛迷遠礁，天風白馬壯秋潮。
洗兵願挽銀潢水，萬國梯航戴聖朝。

飲雪軒詩集

卷一

四

避地至師橋呈沈素庵同年

書賢

側身天地欲何之，六合荒荒此拊髀。
處我西臺無信國，稱兄南郡有袁絲。
山川縱眺驚烽火，妻子饑驅哭亂離。
捧海澆螢湯沃雪，傷心甌脫望風馳。

自萬金湖經永濟禪寺步至後隩而返同予兄及子美子

玉少梅昆季作

山行不覺遠，適閒隨所至。
延緣萬金湖，荒草亂流水。
葑汗犁爲田，壘石斷岸圯。
村落補槿籬，樵擔喧花市。
西折谿路紆，水木曠明視。
野寺偶尋碑，後先躡遊履。
迴峯抱林麓，謾謾松風起。
頽垣環四周，薜壁山門隄。
行雲自去來，避世巖居士。
謂傅世城茂才
僑寓永濟寺
猿鳥本無心，邱壟任攀跂。
冬心木末摧，爽致孤懷企。
寒裳恣幽

討洵哉川壑美初入疑無路林巒但邈迤訇然洞天開石扇斜
相倚夢或天姥尋學或巨靈擬龍噴巖泉殷虎踞崖石峙躑躅
金鎖橋寥廓欣若此遙指翠微巔人家白雲裏柴門向山路谿
澗登階屣冠服桃花源雞犬柴桑里山人笑相迎饒客灑酒醑
客自遠方來恩恩胡乃爾山肴雜然陳敦勸十觴索白石落尊
前青山亦隱几持謝守錢奴齷齪情無似物我既兩忘談笑竟
移晷嗟予值亂離避地謀甘旨年華逝流波事業悲拊髀不得
留山中長伴赤松子一笑出門去煙凝暮山紫歸路盡殘陽風
泉清到耳如此好谿山間孰主張是摩箋裁作詩細嚼梅花藥

讀諸葛丞相集書後

天欲祚劉劉祚在王莽篡之不能改天不命漢漢命更諸葛圖

飲雪軒詩集卷一

五

之不能興卧龍何事起隆中鼎足神州割據同感激王恩契魚
水艱難王業闢蠶叢人云相漢非相蜀圖霸而王是亦足出師
二表謨訓遺誡子一書道脈續羣雄力爭漢道季帝魏究非陳
壽志操懿後先同一流史臣載筆多諱忌吁嗟乎樓桑村南陽
里當時草莽識真主諸葛君兮真名士

酬鍾靜庵

燦文

兼呈劉石函

雲椒

方筱巢

克恩

諸翁

海角春風客倚樓故鄉止合夢中遊昨朝不赴探梅約恐見梅
花益旅愁

一夢婆娑鶯喚醒天涯芳草已青青知君聊試春風手折得梅
花插膽瓶

慈湖與葉侶臯分賦

谿上曠寥廓慈湖挹古芬晴山雲葉亂秋水浪花分避地誰長
策潛光此逸羣莫嗟遺草澤世事日紛紛

寄懷詩

周丹洲步瀛

西谿新霽後榆柳晚涼生忽念南屏叟龍鍾杖策行林泉足清
福文字起羣英尊酒三餘闌月明空復情

葉芝畦之蕃

碧草思無際白雲情最閒故人不可見西望又青山風雨時橫
卷荆榛獨掩關劍中好烟水應夢共躋攀

陳惺伯炯

微雨長谿嶺斜陽附郭城山南望山北終古暮雲橫高羽元方

飲雪軒詩集卷一

六

振遺風三詔清遙知懸榻待惆悵若爲情

王伴石景曾

山雨洗空翠白雲晴始波王郎狂自好寥落意如何解帶貪長
卧銜杯獨放歌端居任怡衍幽踐託蘭坡

楊愚泉夏復

書圃翱翔久精神海鶴同梅花高格調著草大神通歲月彫雙
鬢文章困五窮才名今已老誰復惜江東

慈湖卽景四首

一鳥語蒼翠湖山深復深禪林隱脩竹流水淡人心物我各微
妙烟霞無古今迷離吳相宅杖策獨追尋

山意入秋瘦峰峰曲似屏迴風薄城堞落日下湖亭烏相全遮

白虬松不斷青野航橋畔路依舊沒烟汀

西風動天地百卉盡摧殘滿郭開秋霽重湖生暮寒北門貧士

感南國美人歎流水高山操朱絃強自彈

清磬一聲起淒涼浮碧亭草心帶秋綠山氣壓樓青風日蝶團

影水花魚吐腥文元棲隱處漁唱會遙岑

乙卯正月十七日赴杭寓吳山準提閣

一夕風帆挂越舟春來攬勝又吳頭仙靈山水無雙窟海國東

南第一州湖氣漫天朝倚幌潮聲動地夜眠樓六橋三竺成香

市領取餘杭酒味不

準提閣酬洪秋國茂才九晚

陰雨靄春城江流日夜鳴征颿千尺影山市萬家聲身世青衫

飲雪軒詩集

卷一

七

淚關河白紵情相逢舊相識慙愧棄繻生

定海雜詠

附錄定海永安策。定海孤邑砥柱東海統攝遠近島
 嶼重地也亦危地也東控日本三韓北抵海泗登萊薊
 遼南達溫台閩粵遠逮西洋外彝海道往來所必經鎮
 成星羅樓船棋布防守嚴巡邏勤稽察密外奸內兇莫
 敢竊發卽有踞躄巨寇不能越定境而入內地國初
 謝孝廉泰交請復舟山議云舟山財賦所入本不足給
 戰船兵饗之用然舟山之當固守者不止爲舟山也
 守舟山則必守甯紹台溫寇盜無舟山之阻而偏擾甯
 紹台溫雖以全浙之兵環守海邊而不足必且增兵益
 饑是不守舟山而費國帑更多也卽舟山毫無稅入
 亦當固守舟山而甯紹台溫不安蘇杭江鎮亦安不守
 舟山而甯紹台溫不安蘇杭江鎮亦不安甯紹台則防
 禦止一舟山則兩浙江南處皆宜防禦誠
 哉舟山之重也議者聽之亦既請於朝設鎮兵置縣
 令矣百餘年來大化翔洽島彝彝服宵小誅滅而定鎮
 舟師方耀威於紫澥之上蒐匿於白舫之間江浙內地
 永絕意外之虞定海之爲重地豈不信哉雖然前事不
 忘絕後事之師也人知定海之重而不知定海之危則所

飲雪軒詩集

卷一

以守定海者其道或有所未備請考古而熟籌之唐開元二十六年用採訪使齊澥議始建翁山縣代宗大曆六年海寇袁晁襲而據之縣遂棄宋熙甯六年復置昌國縣高宗建炎三年金人追高宗至此遂破昌國毀其城元至正十一年台寇方國珍攻昌國明嘉靖間汪直花州判趙觀光皆戰死據順浦金塘等處與徐海誘倭奴屢據舟山及烈港岑港謝浦等處與官兵連戰賊害兵民不可勝計國朝順治八年王師平定舟山設副將三營守之九年旋為海賊所陷十二年復為鄭成功所據歷二十餘年鄭瑋歸誠而後舟山官民駢首就戮矣子女財貨盡為賊有豈不哀哉前胡少保舟山議云寇至浙洋未有不以舟山為可巢往往彼其登據卒難驅除又云舟山環海賊舟可登泊設乘昏霧之閒風潮之順潛襲四面環海賊舟可登軍寡弱致罹倭難故其後增設舟山營參將佐以正哨左哨右哨團練四把總益兵二千有餘益船七十有八而參將又統甯紹水陸官兵入舟山稍餘人船二百五十百餘人分守南北內外洋水陸口汛及遊哨戰艦過半矣城中守兵不過千餘而已合觀歷代海寇登據之慘紬繹胡公海大兵少之說危乎不危夫經費有常海踰萬而兵饑不能增兵而益饑然則計將安出口兵不增宇晏安斷不給而自給莫若團練壯丁使民皆練技則兵足矣夫民之居是土者未嘗不畏寇盜之猝乘難為子孫長久之計特官無訓練之令則民無自約束之策能令丁壯皆習武事講紀律近相聯諸隩有寇鄉勇齊校鄰接之陬互為救援皆足以自守萬一強寇窺城勇奮鄰接之陬互為救援皆足以自守萬一強寇窺城勇士數萬一呼立至分道並進內外夾攻無寇不殲諸大難立平矣雖然食亦不可不足也官宜勸糴士民於諸大輿置義倉城之四隅置四倉無事則平糴以濟貧民有事則給饒以資固守如此則轉累卵之危而為泰山之安誠斯民百世之利也定海安而江浙內地皆安防守重則州縣廂軍之利而後備唐制邊郡皆有防禦團練使宋則州縣廂軍之利而後備唐制邊郡皆有防禦團練使濟連檣海上剽劫估外又有鄉兵以助守禦曩者蔡練勇技定海宋邑侯亦嘗督民團練條設法程今皆廢而不行康熙間定邑繆侯燧為大展陳蘆花陳社倉記勸誘其民者語切而至今二倉亦廢矣夫寓兵於農者古聖之遺法也思患預防民人利後嗣政無有急於此者無如信其上靖海疆定民人利後嗣政無有急於此者無如

長官狃目前之安以此爲不急之務及其既急而後圖之則無及矣嗚呼豈不危哉余游定海喜其土勤誦肄民多樸愿而尤哀其處甚危之地雖欲爲子孫長久計而不可得不禁爲之太息痛恨也孔子曰不在其位不謀其政然目之所擊義不容默揚摧而陳亦冀官是地者聞之而有悟焉毅然行之底於有成世世引之而無廢是則定海之幸也是則江浙之幸也

祖印寺

州志在州治東南寺原在胸山舊名蓬萊晉天福五年建宋治平二年賜今額嘉熙二年邑令

余桂遷至此以接待寺併而爲一今志宋治平中密庵傑禪師最有道行明宣德間都指揮張翥重建統七年災成化五年總督張勇復新之國朝遷遣後城垣盡毀寺前後亦無片瓦寸椽獨大殿巍然不動若有神呵護者康熙三十一年總鎮藍理增建有記案遷寺入城在嘉熙中而今志謂明恐誤

蓬萊古仙院移建作佛場大千經浩劫歸然智靈光

翁洲書院

在元時州治之北宋應傑讀書之所登進士第姪應傑按蹕魁多士官參政清祐間理宗

書賜翁州二字應以爲名宗族姻黨之子弟肄業於中元以應翔孫任山長馮復京有記有齋二日詩曰

飲雪軒詩集

卷一

九

禮講堂三間
額爲德善堂

起家本南荒天賜荷寵光願將詩禮教薰德傳善良

芙蓉洲

宋昌國縣丞廳之南環以芰荷宋淳熙十六年縣令王阮徙建學宮於此今爲營署○洲上舊

有清遠亭乾道六年主簿趙善譽易名冰壆亭
明猶種芙蓉隱士脫翔有詩人呼爲脫芙蓉

之子意如何寒裳歌采采秋深風露多天末相思海

宮井

前明魯王陳妃城破日借貴嬪張氏義陽王妃杜氏投井死太監劉朝荷王走昌國時以鑰署爲宮

山鮎崎亭集宮井記破舊土走昌國時以鑰署爲宮
卽今之鎮署也山麓有堂堂東南有井井泉甘冽初疑爲殉難處後聞之老兵云堂之西檻有晉井大石掩之中夜常有聲直者不敢居其爲埋貞之所無疑守土者祀於成仁祠與張吳諸公妃列一堂旣乖體制且非其地當另爲寢室以祀妃則安矣

如嬪殉君王掩井辱亦了有斯大節人莫謂朝廷小

雪交亭

縣治後卽今總鎮府後案鮎琦亭集張公肯堂丙辰入翁州斌卿館公於參將故署公不得志

栽花種竹於圃中作寓生居記以見志築雪交亭夾以一梅一梨開花則兩頭相接嘗曰此吾止水也已五名振等奉魯王至公虛所居耶以為王宮辛卯城陷時名振奉王搗吳淞而以公為留守投纒亭下則雪交亭在參將署中可也第既以所居為王宮一不應仍在署中抑豈接其種於姚江高公宇泰接其種於甬上至今二郡亦皆有雪交亭故參將府在鎮麓山麓即古昌國縣基明初為中所隆慶三年改為參將府康熙二十三年總鎮黃大來即其地建立總鎮府。今立雪交亭故址碑於蓉浦書院非是

身萍世絮人命葉愁山日誰與白雪交梨一梅花一

鎮麓堂 宋端平三年縣令方暉建在鎮麓山之麓州志廳後中堂

麓峰峰整峻作堂作麓鎮滄海靜不波地維終古振

海光亭 州志州治後山在拂雲亭之上

山亭閒卷幔秀納海天半時有春風來便欲移琴案

飲雪軒詩集 卷一

大生堂 宋主簿王子亭建合趙大忠記與恩波亭相邇乃視聖壽放生之所

趙家塊肉沈厓山泣天祚留茲祝聖場大有生生路

道隆觀 州志在州之南奉東岳行祠宋賜額建炎間金人闖境斧碎殿柱性為流血金人畏亟遁去

一境生靈藉以全活觀營有金闕廣揚殿殿前忠定史越王嘗賦臨江仙詞庚午歲閣以風雨圯觀之外植門榜曰蓬萊福地今志城南觀山之麓宋宣和二年守臣樓異請建賜額曰金闕廣揚蓬萊福地建炎中金人襲高宗犯萬昌園游兵入觀建後廢今志遺事十七年毀於倭寇萬歷三十年重建後廢今志遺事道隆觀毀於嘉靖倭寇之亂至萬歷間重建相傳舟山向無虎忽有兩虎白晝傷人眾禱於神夜聞吼聲震地詰旦見觀門外散有血跡虎患遂絕嗣後偶有虎患禱之輒應案今名伏虎殿以此句餘士音姚江閣部孫公嘉績從亡病歿於此辛卯城陷張茂滋為卒所持繼至者憐之命尙囊隨行暮至道隆觀卒指觀後曰伏此吾縱汝觀中屯兵逐逃民若兔同伏者二人踰檐下墮瓦聲得踰垣去貓翻檐下墮瓦聲得踰垣去貓耳遂不復索茂聲得踰垣去

斫薪訛血斧獨木亦威武大夏日不支願作擎天柱

蜃池 一名筆硯池在舊州治前周十數丈方廣如一
亢旱不枯相傳有蜃潛此州志說同今皆爲圃

蜃氣化雲煙定爲君子變不然水一泓云何名筆硯

成仁祠

祀明末諸殉節者謝山謂翁州志首厠斌卿而
次張相國其間亦多偽官名節以祠爲謬祠而

志爲穢志大決橫水洋之清流未足以洗其玷也乃
翁州死難者通政司會稽鄭遵儉兵科都給事中

鄧董志甯禮科給事兵部郎中江陰朱養時戶部主
部尚書武進吳鍾營兵部尚書鍾祥李向中吏部侍

郎上海朱永佑通政司會稽鄭遵儉兵科都給事中
蘇兆人兵部主事福建朱萬年主事會稽董山吳開

國工部主事長洲顧宗堯工部所正鄧戴仲明諸生
福建林世英錦衣指揮王公朝相內宦監大監劉朝

安洋將軍劉世勛左都督張名揚蕩胡伯阮進

舟山小似舟昌國已不國忠魂歸去來行人拜秋色

飲雪軒詩集

卷一

十一

同歸大域

瘞明季殉難諸公
國朝喬鉢題

蹈海海水飛蹈道山歸不得同歸者長歌懷采薇 張忠烈公
藁葬南屏

山著有
采薇吟

普慈寺

州志距州治三里許始東晉時僅一小庵以觀
音名唐大中十四年號觀音院棟宇略具宋治

平開錫今額寺毀於慶元開才椽無遺黑山明公禪
師極力營建越禧祐五年復厄於劫燼山門獨存足

翁麟師繇廬山飛錫至此又從而鼎創焉視昔增壯
自慶元迄禧祐垂七十年而寺之毀徒衛廢今復建

戊作敬實堂里人應繇爲記洪武初徙衛廢今復建
毫而好學彌篤既卒總戎張公扶輿立石於普慈山

之麓曰明高士施印泉先生墓公扶輿立石於普慈山
撰普慈寺羅漢圖記駕素張公大參見之

道俗大歡喜海國舊佛地捨筏一抽身載讀應繇記

龍峰亭

州志歸附後普慈寺增葺殊勝爲本州祝勝道
場大德元年住持覺明復建龍峰亭於山門外

黃葉夕陽山亂泉芳草徑一上龍峰亭鏗然落清磬

衣冠墓

繆令懿號菴浦江陰人令定久有惠政卒於官邑人德之留葬定海不可會上其事於浙撫諭以衣冠葬乃立墓於普慈寺側

循良古衛辛隆隆口碑在歸骨自江陰歸魂宜定海

梵宮池

道光庚子姚履堂諱懷祥推官至定海為令月餘而英人犯順定城不守投梵宮池以殉

倉皇欲何之君門隔萬里泠泠梵宮池臣心本如水

黃揚尖

州志在州東北通陸之處極巉巖險峻一峯傑出入目曰黃揚尖今志為東海羣山之望兩巖間一大石方平如

望望黃揚尖人言采茶好春雲卧山腰孤峯插天表

螺頭

宋名螺頭元改螺峯案州志去州半湖有島突起海心其狀拳然如螺

飲雪軒詩集

卷一

三

天啟扶桑曉海門遠以瞭煙中螺髻堆青青長不了

丁窆婦礁

在竹山門西亂石巖然突起潮長則沒舟人弗戒則觸石壞舟元昌國令王譽善攻堅植表復裏里人朱文仁捐資復之州志作丁家礁左大茆港石螺頭洋緜舟山解纜一饌可到

哭夫還望夫風雨何淒楚可能化鶴歸問石石不語

疊石嶺

距治十里許在東嶽嶺之西舊有疊石亭今圯

石嶺嶺疊石南北重洋隔難為愚公移擬作巨靈擘

白泉湖

舊志名富都一名萬金湖今皆荒廢繆為田案州志湖周廣三十里澗水灌田源泉湧值旱則枯樺輻輳沿湖多村落

谿山秀敞為一村之冠

湖水瀾以清沙礫明可數悠悠出海東波浪掀天舞

皋洩瀑布

皋洩莊無塗蕩周陸之水匯白泉浦入海州志在州東北三十六里據山之腰宋宣和中歲旱簿尉劉佖投以詩云云

詩沈而雨至又薛主簿有詩

飛下白玉龍渴飲洩潭水願言作甘霖灑徧禾麻里

柯海山 明嘉靖開倭寇干餘結巢於此

登山乏斧柯鹽梅嗟自負管領好谿山願假春風手

翠羅石筍 翠羅山巖石森嚴峭立形如石筍故名案翠羅寺州志在金塘鄉之海西成於唐開成廢

於會昌宋建隆中錫以銅鐘吳越國受封奉國又鎮以鐵鎗寺一名金鐘今志洪武中移置於城東北之炭山寺

躡履翠羅山題名翠羅寺上有石巉巖大好凌雲致

受降亭 城東南半里許明倭寇汪直降建受降亭於觀山之上嘉靖郡志觀山以道隆觀得名即指爲

海上紅羊劫東南血淚零梅林籌海略祇贖受降亭

梁鴻山 離州城約六十里山形頗雋秀可賞玩舊志云晉魏以來多名賢墨蹟年久率不可讀相傳梁

飲雪軒詩集卷一

三

鴻曾攜妻子避亂於此墓碣尙委於東隩之側復有石坪丹竈亦掩於山窪壁溜聞今無所考俗作梁橫山恐傳訛

萬里遠投荒名山與子臧至今歌五噫海曲亦淒涼

安期洞 州志馬蹟山在海之東南安期生之洞在焉今志在馬鞍山安期鄉世傳安期生隱此故名今

洞亦湮廢見乾道圖經有桃花山傳謂安期生煉丹之所嘗以醉墨灑石成桃花紋故以名山馬蹟有龍窟不可放爆見生員陳可願議

安期避暴秦不避蛟龍宅醉墨灑桃花點染玲瓏石

紫薇尖 縣西北十五里一名宋家尖山盤紆幽邃居民所聚或曰古名紫皮因宋高宗避金人航海至

此遂更名紫薇。案雲麓漫鈔高宗航海建炎三年十二月也李正民侍郎乘桴錄云至定海十二月五日車駕至四明十五日大雨遂登舟已西海十九日至昌國縣二十六日移舟之温台濱海有童童浦相傳爲高宗艤舟之處

舟之處

號泣青城行目斷黃天蕩駐驂紫薇山念否蒙塵狀

開夫人墓

城東北三里談水坑之原夫人郭氏明洪武中刑部尚書開濟妻諱文墨皇太后御坤甯宮召夫人校閱後宮書籍後濟坐廢置編管至此夫人歿因葬焉濟子忠

別鵠彈荒成翰墨玉金鉉不是蓮花莊香夢鴛鴦墓

張忠烈公遺硯歌

硯為定海王樞園明經榮沐所藏上刻銘詞二十四字銘曰投鼠支欸幾經磨劫堅貞不渝何嫌破裂裂佐我揮濡長此斯夕款刻蒼水二字硯長尺有咫方廣稱是雍正甲寅九沙萬經跋勒云讀銘辭見先生忠烈之氣隨在流露經於吳山書肆得之裂文邪折完好如初手澤所遺默有呵護者矣歲辛酉八月上澣予宿草子玉同年育瑜家明經持硯示予屬為歌

蟾蜍一滴蛟蛇掣誰其用者張忠烈哀者故國無片土茲硯不與山河裂崎嶇馬角十九年中原虛喝張空卷側身天地成孤注采薇吟罷墨漬鮮公心如石不可變半壁南朝延一線補天

飲雪軒詩集

卷一

十四

無力起媧皇落落銘詞

見上

鑿石硯讀銘二十有四字字字如銘

公素志忠肝鐵石夙研磨海上孤軍公舉義小臣拚為高皇死瓦全不得玉碎耳視硯為海筆東雲龍戰血腥上激水三十一城旦夕復鸚鵡往歌來即哭蠟丸閒道失師期鎖鑰金焦坐棄速師行不戒羊山濤何物石君能遁逃壁友並聯羅子木摩挲盾墨天為高徵兵一紙淚眼枯偷安鄭經總非夫匈匈海水梵音亂羅舟未返公已俘山色好向南屏望青花未殉孤臣葬故老猶談劫燼灰世軸掀翻硯無恙吳山物色萬九沙海內典型文獻家多善陶法奉以走夢隨飄瓦落天涯三甕老人亦好事得之陝右如彝器攜歸海嶠經兵燹瓦礫斜陽秋草地王郎博古翰墨藪購求公硯窮不醜我來海上訪成連翁洲風雨驚龍

吼自昔石交零落存雪交老梅爲公壽南田不死死西湖湖海
不枯石不朽吁嗟乎玉帶生卜卦硯文山疊山竟不面公之忠
魂石一片光緒己卯秋硯歸慈谿楊氏經畬壘以百金質之

同治癸亥春試航海北上與同舟諸君聯句效柏梁體

重洋茫茫水拍天鄞縣陳耀飄車儼作孝廉船鄞李椿林長風直破蛟

烟餘姚沈文燮乘槎何羨鑿空驚鎮海胡梁五雲縹渺聚羣仙鎮海江仁葆共

締李郭同舟緣餘姚方恭壽舵樓四顧心茫然安徽繁昌下寶璋且賦張華

泛海篇慈谿洪倬雲蠻煙蠻雨紛來前會稽王觀光怒濤噴雪濺珠圓鎮海

謝輔承琦蠓蠓俯瞰圓嶠顛江蘇婁縣沈蓮天吳海若靈炳焉會稽阮福昌我欲

不死問彭錢歸安鈕承琦三山何在青綿延安吉顏榮階探珠驚起驪龍

眠紹興滕恩沛掣鯨碧海轉坤乾仁和李日章凌雲仰窺牛斗躔烏程徐延祺

飲雪軒詩集卷一

五

足躡長虹俯大千江蘇嘉定陸貽穀錦袍畫鶴何踟躕江蘇長洲朱沅豪情笑

拍洪厓肩江蘇崑山汪蔭穀萬頃琉璃激紫淵山陰何乘常浩然一瀉銀河

懸江蘇無錫錢助羣巒排列小於拳平湖徐平西指登萊東朝鮮山陰莫增奎

移情底事誇成連湖南長沙譚信架閭闔咫尺望幽燕會稽陳珪乘風破浪

誰爭先秀水陳元驥鴻毛遇順無餒顛會稽余恩照全憑忠信涉巨川慈谿

楊泰蕭山蔡以珍履險如夷占其旋蕭山蔡以珍河山蟻鬪爭戈鋌歸安邵棠願與諸

君著祖鞭錢唐吳錫熊胸襟慷慨愧偏捐江蘇青浦王道隆興來豪飲犀杯

鐫孝豐王景沂蒲萄美酒開瓊筵江蘇吳王希整縮項我思槎頭鱸江蘇吳縣

潘觀保狂吟真足媲青蓮吳江李葆恩好語一一如珠穿嘉善胡雲程快吮

霜毫拂雲箋鄞王大森吳歛越唱同聲聯蕭山蔡以瑩諸公衮衮皆少年

江蘇新陽朱以增終須奮翮雲程便鄞陳宗翰簪花珥筆聽臚傳鄞馬廷斌一颿

直到蓬萊邊鎮海王 廣華

癸亥七夕與陳繼香耀謝尺瑚輔纓童竹珊春聯句

七夕例有詩楊客居況淒寂明河淡微雲童細雨截雌霓高齋

暑氣清陳賓從茲良覲小飲理濁醪謝遙夜聞寒篴長安風景

殊楊撫時增歡感牛女望秋期童燕婉訴惆悵天錢詎易借陳

終年常疏逖一歲一團圓謝星霜幾經歷聚首各天涯楊苔岑

殷勤覓無爲兒女悲童吉語願申錫富貴亦壽考陳翔步中唐

贊壯哉千里志謝何事歎伏櫪楊

癸亥重九寄廣文兄

佳節每從愁裏過烽煙南望奈關河樽前綠酒追歡少市上黃

金灑淚多遠道音書原不絕高堂眠食近如何天涯我爲飢驅

飲雪軒詩集卷一 六

累惆悵西風獨放歌

客歲鄉關尙被兵風聲鶴唳夢魂驚艱難骨肉春間別湏洞波

濤海上行廿載名場仍故我一肩家事屬難兄中宵回首親門

遠失計年來薄宦營

題家書後二截句

寸草春暉欲報奢溷人科第此京華天涯魚雁迢迢路能有幾

封書到家

家書到否知難必逢著歸人便寄翰明月西清孤館夜家山時

向夢中看

癸亥臘月謝尺瑚同年輔纓將之官陝西作歌送之

與君作客長安道肥魚大肉金尊倒離騷一卷劒一囊我獨悲

歌君大笑著書不作窮愁狀東山早繫蒼生望行年五十除一
官盛名不使幽閒放計偕等是今春賦春申江上尋詩路花月
滄桑又勝遊天涯朋酒原奇遇颿車迅駛吳淞口柁工篙師好
身手四十二人韻事聯柏梁吟罷才無偶座有惡謔陽侯怒朔
風夜半鯨濤鼓縱教出險有三魚山驅海立已驚怖心香虔懇
上蒼禱蓬萊捧出日杲杲艱難一飯啞峒山淹留七日田橫島
荒漠湖洞春不溫淵淵戎鼓達津門結束傲裘事征策餘生水
火慰驚魂入都又逐青驄騎滿城桃李爭風致薊門四月無好
春落花萬點都成淚鄉關回首尙干戈錢唐以西煙塵多共君
鬱鬱不得志勸君且盡金叵羅意氣偏於羈旅親同年沆準亦
前因河陽君註種花籍一朝披揀兼金珍士元之才非百里牛
飲雪軒詩集

卷一

七

刀何堪屈吾子詔書迭下甘泉宮不爲時艱微不起出門惘惘
愁搢指行李蕭條不得發余生聞之心憮然昨宵追騎蘆溝月
綈袍張祿舊知已不然作計南歸矣文章薄俗莫詆訶豈無健
者令公喜丈夫具有封侯相賢王亟事防秋將鞭絲帽影入臨
潼壯懷要與風雲抗頻年螳斧潢池弄賈生獻策久增慟瘡痍
會待使君蘇百二關河手能控天弧星掩掃機槍郊藪麟遊與
鳳翔君今幸假尺寸柄天驥萬里資騰驤願君功名益當世肘
後黃金眼前事十年種學道在茲扶風士民解讀甘棠詩

宮保佩蘅夫子

寶蓋

命賦賞菊詩效柏梁體以應

小陽月屆猶重陽捲簾不怯西風涼裴公雅有綠野堂賓朋樂
舉菊花觴鴻雁南歸草木黃惟爾菊花能傲霜爾香雖冷英煌

煌金精玉質當饌糧養生自得延齡方會與吾師祝壽康慈恩
獻頌恩寵光何以紀之俾久長鉅公枚馬凌詞場毫揮珠玉紛
琳琅佩萸曷取費長房箋言不數臨川王笑余湜籍走且僵鈞
天廣樂襍羽商昔年桃李列門牆書林藝圃漫翱翔何圖風月
與平章小草託根近帝鄉故園三徑雖未荒敢言高蹈歸柴桑
英可餐兮實可囊永懷君子不能忘此花有譜殿羣芳長飲韓
琦晚節香

奉教王亦坡先生

不放奇書一日閒老來翁子莫低顏荒祠石馬歸樵唱黃葉疏
林半角山

短短蘆根淺淺河西風吹上白蘋波竹垞重唱還山曲占得秋

飲雪軒詩集

卷一

六

心一半多

擬體

似鳥印沙還有字如蟲蝕木偶成文今來古往空陳迹徒爾人
云我亦云

乙丑閏五月邸寓招鄭采臣 綸 洪梅艇 倬雲 定海章子玉

育瑜 諸同年鄞馬覲光孝廉 延槃 小飲聯句

小院更深月上時 楊 涼風吹徹錦罽思碧梧弄影雨初霽 鄭 紅

豆著花人有思最是多情能顧曲 章 可堪知己與談詩 洪 苔岑

會合良非偶 馬 無奈尊前兩鬢絲 楊

鋤月山房曉起 丙寅春客
制藩幕

東園轉春陽獨鳥破朝旭旣霽媚景光嘉卉生繁綠苔徑步誠

齋林漱曠遐矚撫茲劫火餘往事多根觸造化賴斡旋一隅詎
云足眷言蘭茗發香澤徧輿曲亭還月斧修石借雲根劇幽棲
愜素懷息慮蠲塵俗古芳尋翠微雅歌良可續物我各愴然聊
復舒蜷局

附錄和作

李必昌

一雨已春半陰霾閉紅旭晨光忽熹微萬木森衆綠人生貴
適志何用希高躅矧茲兵燹餘往事多根觸園林涉幽趣高
人初睡足蘭言愜素心古調彈一曲活潑養天機階前草不
劇放懷空古今抗論超凡俗何當袞屐遊載酒鶯花續湖山
春社開豪情師玉局

張預

飲雪軒詩集

卷一

尤

宿鳥喚新霽牆陰漏晨旭披衣涉芳園露草溼猶綠藹藹吳
山青對面暢遙矚煙塵幾頃洞感舊屢心觸興廢亦奚常登
眺良自足睠懷素心侶迴廊徑微曲迎人花欲然供客筇纔
劇頗忘城市囂放紛謝塵俗春風一舒歡歡會更誰續流連
惜景光升沈聽時局

後樂園同李蘭生司馬陪飲作

西飛雙燕子何事入簾來春序亦云至芳樽次第開殷勤披瀾
草憫悵謝園梅風物湘湖好蕙香共舉杯

後樂園偶題

深院無人雨霽初四圍濃綠樹扶疏予生差有希文抱且向花
閒補讀書

章采南前輩蓋過訪卻寄

身世飄零越海東，仲宣橐筆願從戎。幾多戰伐經營後，不盡湖山感慨中。客路最愁寒食雨，鄉心應逐紙錢風。朱絃未鼓知音少，物色何因到爨桐。

送武葆初司馬伯穎引觀入都

丈夫自合致身早，莫戀西湖山色好。一腔熱血凍不翔，東風吹上長安道。我亦江湖感轉蓬，戟門高會欽才藻。萬里功名孰虎頭，三春蹤跡徒鴻爪。我祝使君菩薩母，撫我灾黎春風手。金馬遠去竹馬來，我爲踟躕頻搔首。離亭行色太恩恩，何以贈之折楊柳。明日燕山雲，今日餘杭酒。

春日偕李蘭生司馬必昌汪洛雅同年鳴皋張子虞明經

飲雪軒詩集卷一

二

預同遊西湖歸舟聯句

夕陽送歸舟，楊風靜波如練。小聚亦前因，李忍使景光賤。淡蕩

春風和，張匡巾煙痕賸。乍過水仙祠，楊又歷鄂王殿。夾岸聽嘯

鶯，汪營巢來飛燕。湖山劫火餘，李感慨述杭汴。游衫試越羅，張

畫院題香扇。入郭眷良遊，楊春店供客齏。細膾劈銀刀，汪宋媵

當年擅酬唱。無主賓，李得句快塵戰。遙山翠欲暝，張落霞紅一

片。尊酒爲開襟，楊韶光轉流戀。大塊杼文章，汪此會良足羨，李

吳興志感

煙雲畫卷閱興亡，何處蓮花是故莊。正欲題詩忽棖觸，道場山

外贖斜陽

舟經三里橋

長塘廢戍接城濠無復贏糧泊大艚斷井頽垣斜照裏觸髅零
落亂蓬蒿

震澤水次

漁舟銜尾兩三行柳陌菱塘紀水程淺渚不波魚可數荒陂無
主鳴齊鳴晚來野市尋鰕菜夜入孤篷聽雨聲歷歷舊遊回首
處等閒哀樂廿年情

題鄧晉占明府

恩錫 夢遊雪竇圖

我自羅山浮山放棹還煙雲離合猶縈魂夢閒使君示我夢遊
雪竇圖丹青妙墨畫法本荆關始信鄧尉乃是風雅宗神遊四
明二百八十峰勞心撫字游屐不能徧夢中現出朶朶青芙蓉
靈骨虛衍羣逐神明宰頓使絕郭風煙發精彩句章士民兵火
飲雪軒詩集

卷一

三

已彫殘胡以道路隆隆口碑在使君前身合是謝康樂清風亮
節遺愛猶如昨使君後身又是宗少文卧遊歷歷不負青山約
繫余昔年採藥入天台兩涉剡谿一登妙高臺攀蘿捫葛心神
特驚悸千丈巖前瀑布聲喧豗披圖恍惚置身於其旁但見珠
林鏡池排空蒼我生雖乏陶公濟勝具常令夢與鸞鶴同翱翔

西湖

古寺題名西復東大千浩劫等閒中錢王舊宇兵戈洗蘇小荒
墳粉黛空畫槩遲遲青苕水遊驄寂寂綠楊風花時雪月彭宮
保長願湖山作寓公

丙寅夏晤袁君德玉於穗垣出小像屬題漫成一律

鄉國幾烽煙相逢各惘然秋風仍客子明月又尊前金粟三生

夢銀槎萬里綠留將圖畫在同證木樨禪

丙寅秋羅山精舍與李蘭生司馬必昌汪洛雅同年

鳴泉

張子虞明經預夜坐聯句時同客粵撫蔣藩

泉中丞益禮幕

同是天涯客李相逢各素心煮茶開夜醺楊剪燭發新吟李竝

集芝蘭室汪還躋翰墨林疏星窺夕幌張宿酒滌塵襟屋小燈

如豆李詩成字擲金芸披書滿架楊棠睡兀連陰風定簾衣靜

汪煙籠鏡檻深庭花扶蝨夢張窗竹叶鸞音寶鼎旃檀爇李衙

齋檠戟森不教長鈇賦楊且使濁醪斟幕許鄰洗入汪池邀逸

少臨遊蹤萍易合張離思柳難禁列座參公榦楊分題到杜欽

良因蓮社結汪韻事柏梁尋蕭籟催更柝張高歌撫榻琴紅羊

談劫火楊丹鳳紀祥祲甲洗銀潢淨汪籤鳴玉漏沈齧槽驚懨

飲雪軒詩集 卷一 五

馬張歸樹穩巢禽醉墨飛殘瀋楊輕寒襲短衾古懽期共洽汪

聚首感苔岑張

附錄嶺嶠望雲圖贈詩先君有自題望雲圖詩兩首

惜原稿已佚男家駭等謹識

理庵老兄太史出素絹索作嶺嶠望雲圖走筆以應並

誌廿八字時同治丙寅立秋日 蘭生李必昌江西臨川

頻年磨盾涉江湖勞我親心日倚閭寫罷此圖翹首望天涯

何處是吾廬

叔雅王 彬 福建

十年琴劍逐風塵我亦飄零作客身陟岵而今回首望酸心

不見倚閭人 墓田空賸不勝嗟望遠猶傷丙舍賒寄語浪

遊眾朋輩但能啜菽莫辭家丙寅瓜秋蘭生司馬為理庵太史作望雲圖並繫以詩讀之悵

觸余懷率
成二首

少桐楊近光

廣東番禺

渤澥濼迴五嶺分，卻從羊石望榆枌。
南陔樂事春暉戀，北斗聲華綺歲芬。
夢去好隨珠海月，思來時眺玉山雲。
平生雅慕賡華黍，五鼎何如菽水欣。
旌節朦朧到海隅，同舟仙侶夕朝俱。
珍藏遠道衣中線，痛絕同懷掌上珠。
橐筆偶然參幕府，登高不覺認歸途。
幾回翹首蒼溪望，擬補斑衣洗腆圖。

白英何國琛

生不識珠海，喁夢不到羅浮居。
瞥然示我紙帳圖，令我目眩心神徂。
十年歸養春明廬，朝夕何愁人倚閭。
風搖樹靜藜藿，蕪煙荒雲慘天模。
糊鳥飛三市，扶桑隅玉堂仙吏行與俱。
感

飲雪軒詩集

卷一

三

君靈椿霜露枯，欒欒相對形瞿瞿。
羨君萱草方榮敷，鴻賓海上何爲乎。
雄冠負米慈顏娛，空山投杼驚樵蘇。
燈影機聲響指無，倘兮恍兮來華胥。
蕉窗覆鹿南柯虛，凝煙含月梅花鋤。
君不見潘板輿，温絕裾何如狄公嶺。
上回首長吁，噓同治丙寅夏五
借太史客粵東撫署索題斯圖君念倚閭余懷永感不無振觸之思大有酸楚之語何堪持贈聊當寫愁後之覽者亦將有感於二人
國琛并識

粹甫趙佑宸

鄞

慈雲五色蔭蓬萊，神仙排出金銀臺。
遊子天涯歸未得心目，直注慈湖隈。
慈湖太史人中傑，黼黻河漢稱奇才。
青雲纜躡玉堂署，中庭忽報椿樹摧。
偶然橐筆參戎幕，將軍上客重鄒枚。
母曰子季嗟，行役陟岵瞻望復徘徊。
龍眠畫筆固奇絕，爲

君寫圖生面開我展此圖不忍視
蓼莪痛廢增悲羨君三春輝
正永草心報倉長芳芟還朝
供職慈顏喜出山用作霖
雨材皇華使者白華養好將
紵服詠南陔明年嶺嶠輶軒
駐會看潘輿送喜來還君此
圖爲君賀郁郁紛紛氣佳哉
同治己巳

冬月望日

蓉浦楊

廣東茂名

芙蓉幕向穗城開人重承明著作才不爲當歸頻寄遠四明

東望獨徘徊白雲山上白雲飛縹緲慈谿隱翠微畫錦春

暉今正永未須築室傍苔磯慈谿本因孝子董黯築室谿上得名新持蕩節

去熊湘雨露恩深愛日長藥籠薺苓儲幾許歸途好佐紫霞

觴長安同作宦遊人萱草年年兩地春海上蟠桃應已熟

飲雪軒詩集

卷一

五

軺車可許駐輕輪庚午夏五理庵同年奉命典試楚南瀕行出嶺瞻望雲圖見示則丙寅客粵時所作也援筆賦此以贈

賦此以贈

雲笈廖鶴年廣東番禺

三年我別南中去君曾經歲南中住君上羅浮望四明我家

卻在扶胥渡瀟湘千里接滇江五嶺花迎使節香我行歸築

花田屋待迓潘輿拜道旁時方典試湖南

采南章 整 鄞

遊子常思親陟屺亟瞻望慈母思子心乃更難爲狀弧矢志

四方遂致定省曠母送子出門須與豈能忘命棹扁舟歸奚

受榮祿養頻年任遠遊曷解倚闈悵望望日踟躕有願難並

償君繪此圖時粵東佐軍將家書寄當歸歸帆駛無恙入門

拜高堂親懼子心暢既登著作庭三載依瀛園衡文赴熊湘
楚寶悉接訪陳情一省親跪奉 天家貺還 朝又逾年披
圖悽客況白雲千里飛目注神早廷我謂君才高同列低首
讓蕩節行且持貴符食肉相日麗華堂開氣與山河壯一朶
慈雲紅福星燦相向迎養慰親心安臚泛江漲宮袍舞斑爛
佛壽祝無量當繪華陔圖笙詩送賡唱

同治辛未冬月

恁伯李慈銘 會稽

素馨十里開羊城翰林橐筆依老兵忽起登樓望雲嶠珠江
越水無限情人生苦爲衣食計短簿髣參豈初意湖邊歲給
二頃租何羨東方擁千騎君今謏章榮北堂承明歸奉 天
羹香難兄粲粲持簞案循陔笑看芝蘭長昔年掄才往南國

飲雪軒詩集

卷一

三

星軺歸獻五花敕羅浮衝岳千里雲都映宮袍萬年色披圖
讀罷心自哀皋魚薄祿徒徘徊項里墓田松柏少白雲天際
爲誰來

先人葬項里山

子韜陳 鈺 錢唐

白雲樓山中冉冉含清暉俄與飄風會東西隨所之或糾縵
若舞或駢黜若癡但作出山態詎覩還山姿譬彼子行役再
拜辭庭闈塵勞苦牽引恩愛日已滴豈不感倚閭蓬轉莫自
持所以古大臣將母申苦辭楊侯金閨彥天衢驂六螭文韜
無輟轡靡得展烏私念昔客五羊戢翼寄一枝秋鐙閃孤館
魂斷游子衣丈夫苟自振亦足持旌麾胡然潛酸辛低首慕
府爲文章許命達聊翕聖善慈毛檄果色喜潘輿仍願違乃

歎愛日永猶當惜寸暉百年罔極恩色養能幾時顯揚屬大
孝王事有驅馳負米亦云勞嗟笑或依依茲圖跡已陳楊侯
手重披今昔夫何殊悅明發思寄語青雲客無心非可師

題郭筠仙中丞

嵩薰

荔灣話別圖

丁卯

戟門畫靜昨登壇已遂樞衣得識韓北府難留旌節駐南炎燄
飲酒杯寬千章驛路杪攏綠一片忠忱荔子丹文字他年歸朗
鑒蓬瀛深幸列仙官

庚午正月十八日校貞妹事略竟漫書

彤管揚輝百十篇久思刊刻廣其傳大雷心事疇相聞不道蹉
跎已十年

先君棄養妹先歿宿草秋墳我未歸咫尺西郊鵲叫處貞魂合

飲雪軒詩集

卷一

五

傍茗山飛

先大夫葬
茗山裏隕

菽水堂前奉旨甘阿兄家事一肩擔金門待詔嗟予季老母明
年七十三

附祀宮牆俎豆崇

去秋葉筠潭茂才森祀妹栗主
於本邑節孝祠並建坊張家渡

明禋千載藻

蘋豐峨峨貞碣張家渡風雪鄉關旅夢中

完貞完節古來難倫理當求性所安他日闡幽登

國史

子職
史節

擬將妹
名上列愧無鴻筆泪汎瀾

男家駮孫景琰同校

飲雪軒詩集卷二

慈谿 楊泰亨

理庵

外孫咀英張錫誠重校

同治庚午春日 宮保佩蘅夫子命分賦詠史詩

郭汾陽

將臣誰柳營胡相臣誰李哥奴親臣誰老雄狐漁陽鼓競鸞輿
出二十四郡皆淪沒皇天眷命太子立國家再造卿之力詔令
光弼兵分屯監軍乃有魚朝恩尺書一下卽就道孤臣待罪來
君門恩賚崇縉君之賜僭賞冒進臣之恥身兼數官容懇辭作
法請從老臣始中興事一委卿非公長者疇輸誠令公來吐蕃
敗回紇望風皆下拜三代而還匹者少豈以功名掩學道歷四
朝一元老大富貴亦壽考

飲雪軒詩集

卷二

一

李贊皇

脂盞粧具不爲侈浙西營索不逮此願君更詔宰相議俾臣何
以不違旨兵家勝負定聖策明告澤潞誅積逆願君無爲浮議
搖臣請以死塞其責衛公蹇蹇位朝端銅鼓喧闐驚可汗帝曰
太尉汝力殫朕欲酬公恨無官世軸掀翻牛李門恩怨分明禍
之根臣性孤峭容有之致罹黨禍毋乃冤臣每顧君積怒令君
毛髮爲森豎臣願崖州作司戶丹旻六箴忠可補

趙韓王

君臣魚水契風雪幸私第論語二十篇變作陰符計兵權藩鎮
削榦強庶枝弱國事由書生開濟資雄略莫謂處決無學術能
令禪詔袖中出莫謂深沈有岸谷但得萬錢塞破屋誓書約自

杜太后臣名雖署臣心否齊王廷美生性驕未必克勝趙氏後
爲天子亦大艱難一誤再誤臣胡咎告太祖臣藉口周世宗何
獨負

曹武惠

左手提干戈右手取俎豆其器遠大非常流黃金之印懸肘後
使吳越饋遺厚世宗強之卻弗受倅澶州掌官酒太祖求之謝
無有身衣綈袍坐胡牀貴臣碌碌無短長百蟲之螫不忍傷江
南公事能幹當獲婦女悉閉處與下語是將御一朝事罷放之
去嘖嘖將軍真仁恕東西招討降王四璩瑋將才舉子二吁嗟
乎不殺無辜第一義元功陰德有由爾漢馬唐郭無過此

故明景帝陵懷古

和王漁
洋韻

飲雪軒詩集

卷二

二

魚嫌恨不上鼎湖飛墮龍髯空號呼壽陵已毀遽藁葬金山幽
寢發長歎景皇體魄今何所紅牆碧瓦溝塍鋪奪門迎駕苦相
迫豆萁本是同根株太息龍輿歸寂寞坏土鬱宰雲氣蘇玉魚
潛閔三百載虬松偃卧天壽隅張楊卽世洪宣季廟謨顛倒由
刑餘內官傳宣王振至以刃加頸釋不誅雲端天子下沙漠百
萬健兒爲狄俘京師根本不可動議和議遷人人殊少保重爲
社稷計擎天赤手功難誣窩兒帳外黃龍返天順重御疇良圖
一腔熱血灑何地此舉無名竟伏辜上皇豈意旋復辟錮之南
宮任監奴不過亨等意若此謀立襄藩事則無葬附殛殤諡成
戾皇家骨肉難匡扶日月再中天再造紀年獨忍不詔除胡爲
旌忠及戎首沈香刻木殉珠襦斜照殘碑野蕪沒君臣一代空

斯須行人下馬拜秋色敗叢鼠鼠卷蒼鬚十三陵樹悲風起晚
山感慨紛何如

庚午六月出試湘南過蘆溝作

沉準聯鑣第一程軺車六月賦駢征蓬瀛 恩注三霄渥衡岳

雲開萬里明拔類負慚毛穎子聞名舊識棄繻生垂楊夾道敷

繁蔭策馬蘆溝雨乍晴

曉發良鄉

曉日豁林靄出郊曠清幽大道循坦易徑遂不可求微雨能膏

土安鱗非急流野人性所適亦各爲身謀

別自成村落縱橫野水通樹高人坐暘籬密蝶團風滿草綢繆

綠崖花瑣碎紅此鄉風景好走馬惜慙慙

飲雪軒詩集

卷二

三

曉發定興

五更荒煙亂行行河北閒淺水無人渡驅馬相往還炊煙出叢

薄明星住曉山東向回首處海天正青殷

保定感事

盜弄潢池豫晉連如何倉卒及幽燕三千鐵甲追逋寇

畿十萬金湯坐鎮邊 官中堂退 橫海樓船無統率 僱輪船防臨

淮壁壘未全堅要知賊運將銷歇滾滾洪荒界廩延

出望都境口占

隄柳千條萬縷拖 王蔭堂府尹前 平沙風激皺如波鬱蔥不獨

祥桑里高樹童童羽葆多

天放晴雲四羃張不嫌炎暑道途長問名知是清風店未卸行

裝已覺涼

經種春園 六月十日

繁華閱盡種春園難得功成晚節完莫漫乞師黃石祕風流揮

塵誤談元

發真定 六月十日

曉樹瞳瞳日洪流滾滾河出城不十里云是古滹沱略約長虹

斷餘阜淺瀨挖太行西望處山勢鬱嵯峨

過趙州大石橋至古郭城作 六月十日

平野曠無際客路紆以長脚蹶馮唐里行旌指柏鄉柏鄉不可見沙阜互平岡白日澹將夕僕夫走且僵迨登平岡望煙樹但蒼蒼西北遙山矗勢若爭低昂夙有愛山癖遊具齋饌糧恩恩

飲雪軒詩集卷二

四

乘軺去無緣涉太行

經臨城第一鋪

高樹無風夕照殷黃埃不起白雲還太行蒼翠分明滴瀛得輶

車飽看山

梁原道中 六月十日

叱馭梁原道輕裝暑氣微曉煙楊葉重新雨豆苗肥古蹟金雞邈荒邱石馬非太行遙矚處片片白雲飛

過沙河 六月十日

鈴語郎當薄笨車荒屯廢戍少人家平原莽莽無邊際一任輪

蹶碾細沙

杜村 六月十日

三晉爭衡跡已陳
杜村風雨草如茵
相如尚有迴車巷
枋國當知善下人

過杜村

征塵頓覺豁吟眸
藕渚菱塘蘆荻洲
漫道故鄉風景好
沿緣綠水接磁州

磁州早發

槐柳籠煙淡不禁
磁州城外綠成陰
昨宵孤館蕭蕭雨
直是冰壺一片心

鄴城驛十五里抵魏家營

季龍城外促行旌
閱馬臺邊雨乍晴
新水拍隄泥滑滑
炊煙一縷魏家營

飲雪軒詩集

卷二

五

曉發宜溝

六月二日

一夕宜溝碧漲生
垂楊陰裏聽鶉鳴
長途頻向征夫問
淇水湯湯可有聲

經淇水關

入伏漸炎熱征途
休苦艱一襟淇澳水
萬笏太行山竹露
作秋意菰雲破曉顏
僕夫聊憩息密蔭互
松關

過新鄉

六月二日

莫漫駐輶車經塗水
滿渠白雲橫岱嶽
碧草賸殷墟
塢聳聳虬龍勢
碑殘科斗書
欲求安樂法何處
訪行廬

亢村至王祿營

猶是梅炎氣侵晨鬱
勃多未經滌澤口
雷雨大滂沱
沙漲全封

草田窪盡偃禾好風簷溜斷明日渡黃河

王祿鎮阻水

距河北岸望無多野水縱橫閒阻河欲濟不容舟楫具空令繞
舍聽蝦蟇

渡河至滎澤口

滎澤屬開封府

河廣不十里中央界一洲沿緣先北岸容與復東流繩負沈沙
縈錨拋急溜舟斜陽山外影迢遞聽漁謳

草墩坡

青草坡前驛征驂爲暫留炎天晴復雨襍被曬還收驛馬羸難
擇河魚貴莫求鳴蟬簷外樹但覺綠陰稠

草墩坡至沙河

飲雪軒詩集

卷二

六

參差野水痕青草臙荒墩茅屋支三架土牆圍一村雞豚籬外
散井臼竹中喧紆折沙河路鄉風古樸敦

鄭州道上

漫將風物異鄉誇珠顆蒲萄玉削瓜陡覺好風香氣送鄭州繞
郭白荷花

郭家店

驟雨崇朝見蝦蟇梅霖暑氣鬱蒸同出郊眼界清涼甚無數遙
山滴翠中

潁上

兩朝相業姓名馨呂氏賢聲照汗青潁上往來人似織至今猶
說饅瓜亭

寄懷蔣鄉泉中丞

益澤

杭州始得識荊州，尙邸衙齋禮遇優。畢竟三三開蔣徑，前身應合是羊求。

發臨穎經小商橋

七月二日

馳驅飢渴逼炎歊，爭願皇華使者輶。一片冰心何處寄，冷流秋水小商橋。

過沙沱河

成渠野水縱橫是，汎汎輕航鴨嘴船。此次莎汀閒不稅，儘容白鷺兩三拳。

過螺灣河

螺灣河畔釣人居，煙火朝來趁市墟。此是南中好風景，亂攤荷

飲雪軒詩集

卷二

七

葉賣鮮魚

西平過溝河

遲滯西平驛，沙溝第幾橋。田窪紅藕短，山近白雲遙。鄉語入難省，炎天馬不驕。巡方重到日子，細探風謠。

早發遂甯驛

更殘雞唱渡沙河，楊柳風微水不波。知是昨宵新雨後，農家早起負耜多。

碓山驛

望望朗陵谷，行行曲水邊。雲陰疏復密，山勢斷還連。雨過肥青豆，風來俯白蓮。紫桑延暮色，墟落上炊煙。

至新安店

十里復五里三家又兩家一山一起伏山路若脩蛇藉草牛羊
卧芸瓜子婦譁木簾原寶筏橫界碧谿沙

至信陽州

荆楚咽喉許洛邊三關形勢總茫然古來折戟沈沙地都被農
人犁作田

彭家灣書所見

山民勤力作寒暑但祈年米粒知爲寶松毛不論錢倒推車二
把輕聳轎雙肩雞犬桑麻社仙源別有天

驚豹

宿李家寨在羣山中夜三鼓突聞街上喧嚷逾時方
定詢之據云有豹子來嚇犬犬噪大家起喊豹始遁
去並云豹如驢大日光閃閃黑夜可辨喜噬犬及
牛羊居民夜行必持擔以防之或聞鐵器響亦遁

街市松棚又竹棚縱橫露卧夜三更突驚豹至大家起震地喧

飲雪軒詩集卷二

八

天叱咤聲

應山道上書懷

曉入清谿路幾灣松杉滴翠洗塵顏往來鷺堠觀音站環繞螺
峰武勝關三戶雄圖流水換五朝血戰夕陽殷於今大地狼煙
息禾黍秋風過應山

有觸

西施豔色本無倫少伯來時識面新越水迢迢流不盡至今多
少浣紗人

至郭店

陟彼崔巍我馬黃山行鎮日長秋陽有時一徑入叢薄謾謾風
來松下涼

楊家岡

東谷復西谷經行路幾又懸流撐石澗密竹蔽山家露重稻垂
穎水香蘋吐花叢祠聽疊鼓想像會無遮

錄旅夜作

蚊蚋盛如許旅夕苦溽暑悶極起褰幃露坐花深處一花深暗

幾叢秋蟲澀無語露氣粉牆西流螢自來去三久坐不可支止

索惛惛睡昨夜趁程途計里八十二二隱隱聞雷聲反側甯成

寐荒驛不聞雞呼燈起作字四僕馬中夜起行行復止止一雨

一襟寒又是秋來矣五

雙廟驛作即呈王柳汀年前輩緒曾時同典湘試

萬里西風白雁還馳驅豫楚賦閒關新涼一味塵襟滌來看黃

飲雪軒詩集卷二

九

陂雨後山

漢上

四面玻璃拓綺窗笙歌齊放木蘭艫澆蘭沉芷思無極容與中

流遡漢江

書贈沈然亭外翰駿

秋風漢上駐輶車離亂中經十載餘一笑相逢君不省武昌三

日食無魚

周瑞訛至

天末秋鴻信未遲湘江渺渺漢瀾瀾故人心迹有如水我乃知

君君不知

昨夜寄朱肯夫年前輩道然

昨夜西風動桂枝月明千里共相思焚香無事閒開篋尙有遺
山一卷詩

湖東書懷寄盛蓉洲功曹

植型

湖東佳處在山行山鳥山花管送迎紅到楓林秋瑟瑟碧餘莎
草水盈盈識塗老馬腹殊儉飲露寒蟬心尙清四十頭顱嗟半
白無才慚愧玉谿生

咸甯官塘作

無際瀟湘澹夕煙美人香草思娟娟暑涂已歷三千里秋賦曾
經十二年古劒豐城虹氣貫潛珠滄海夜尤圓原知沙磧資披
揀慚愧冰心一片懸

山店作

距蒲圻縣
南十里

飲雪軒詩集

卷二

十

遙遙白石墪鬱鬱青松林羣山迤邐來片片留雲陰築室傍巖
腹閱世無古今高人時還往龐公相招尋明月爲佳客流水當
鳴琴清谿繚以曲前山深復深秋風已薦爽秋思澹不禁故山
號大隱退企結賞音

蒲圻民夫

官差役民夫夫價例有常胥役會中飽前途多逃亡我僕驅之
前鳴飢坐路旁長官聞而怒追價還以償胡爲仍免脫或者是
農忙

皇華橋

蘭芷誰從蒿艾求千秋騷怨付湘流皇華橋畔清泠水能滌肝
腸似雪不

題萬年庵壁和吳文恪原韻

諸天花雨散寂靜不聞喧祇樹心香爇甘茶舌本翻詩龕尊賈
嶽經篋守長恩企彼遠公社能參眾妙門
劫星輶紀 國恩負慙題壁句布鼓過雷門

萬年庵曉發

信宿禪關暫息驂行程計日到湘南萬年橋上清秋節大好谿

山一草庵

入臨湘北境

矗立危峰不可攀琅玕青削破屣顏過谿已屬臨湘道愛看湖
南第一山

飲雪軒詩集卷二

十一

長安站

昨宵蕭寺雨今日洞庭秋碧漲菰蒲闊黃雲稅稻收忍飢待官
飯張蓋作山遊節物西湖盛鄉思寄白鷗

平水鋪作寄懷雲和司鐸葉芝畦之菴

羣山如馬爭欲奔橫截平水彪虎蹲長林古木滴蒼翠彎環樵
路脩蛇蟠篴行山驛不覺遠衣葛涼新秋宛宛山家籬竹路旁
花綠意稠繆紅繾綣天涯落落誰知己不數雲山幾千里大地
縱生種種光眼福何如佳山水水之奇揆不足括蒼雁宕君
簿錄回頭吳會白雲深願君健翻振黃鶴望君不見寄君詩西

冷道上明湖曲

時芝畦當赴
杭辦考入闈

雲谿驛曉發

沿緣向谿路斤嶮難記里居民三兩家墟落成山市椽竹架松
棚行人暍坐喜斷磣激瀑泉清流何瀾瀾眾山皆培塿突兀一
峯峙中互白彌漫孤煙卧於此日高蕩微風散作靈花似玻陀
互起伏登望復地邇花鳥媚新秋幽討恣未已揭來名勝匾洗
眼由茲始今日雲谿雲明日巴陵水

湖汭

東向沿緣溯洞庭綠波晴港好揚舡櫓聲半響比登岸猶見君

山一角青

青岡曉發至常春鋪

青岡不十里又上野航船潦積上游水湖溼再熟田西風鮭菜
地清畫鷺荷天指點荆谿路松煙杳靄邊

飲雪軒詩集

卷二

七

大荆鎮作即呈王柳汀年前輩

緒曾

逆行三四千里料量五六十天放眼洞庭無際舉頭嶽嶽巖然
竹梢涼露滴滴林罅曉日遲遲莫道恥居王後惟君馬首是
瞻 詔吾河汾秋水披我燕湖春風下走專攻下學遑論朱陸
異同 心迹眼前風月文章筆下波濤持此絲綸獨爾釣來滄
海六鼇

發歸義驛

嚶嚶雞唱發山家古戍無人路幾又最是五更殘月曉方塘露
白看荷花

過湘陰

石塘迤邐互湖心菱葉蘋花澹不禁莫笑風塵來執客一襟涼

雨過湘陰

由岳州入長沙

八月朔日

壯心萬里入秋先風順鴻毛賦子淵符節北來收僞異江湖南
去洗腥羶黃穰比櫛金盈野白埕撐空玉挂天動色雲山如有
喜前程努力祖生鞭

發長沙赴湘鄉

出郭不數武橫連蘆荻洲蒼蒼伊岳麓滾滾此湘流交契關河
在文章杞梓揆山行騶從簡款段聽樵謳

甯鄉曉行卽呈李蘭生司馬

必昌

茅檐風露益清清和夢登程戒五更蟋蟀聲中秋已老亂山殘
月照人行

飲雪軒詩集

卷二

三

灰湯作

有廟舍舍旁出泉潄然冬夏如沸湯以手掬水卽潤嗅之有石灰氣云

西風黃葉路秋思入透遲躡捷鞭輿適欹斜略約危土房幽似
簞茶白小於危遙想陳蕃榻高懸又幾時

官書急

庚午十月九日泊舟小鷺洲作

馬上官書急星火縣中供億汝勿惰上官昂然來下吏俯道左
公喜差無妨公怒慎不可驢騾幾頭車幾許行厨進食負前弩
酒肉不足僕夫怒若輩安知縣官苦縣官窮且疲供帳安得辭
鑄銅無山金無穴苦我百姓膏與脂剝民脂充汝腹青蚨橫飛
鞭箠酷堂下吞聲不敢哭長吏粒粒盤中餐小民刀刀几上肉
風塵俗吏有如此率屬須從長官始公勿輕怒勿輕喜試問縣
官俸錢幾

錦江驛夜泊

貞港土音稱曰增港景象與清港相似而繁庶過之再下爲形關驛

霜天未曙不聞鴉漁火星星三兩家夢醒湘江殘月落桅檣細

雨泊寒沙

清油灣

朔風三日阻行程終夕船頭激盪聲知是三閩騷怨處汨羅滾

滾恨難平

峩峩畫艦鷁飛還信宿蘆花淺水灣頻剪燭花仍就枕冷衾和

夢到家山

連檣

連檣沙渚泊竟夕鼓鼙驚野馬在吹垢江豚競拜風壯心三尺

劍鄉思九秋逢無限瀟湘水寒聲逐遠鴻

飲雪軒詩集

卷二

古

曉發鹿角驛

庚午十月二十二日

朔風幾日阻江程今始揚舡鹿角行四面湖光天上下半帆風

力棹縱橫鷗眠鄂渚蒼煙晚螺點君山淺照晴估客連檣相次

泊參差雉堞岳陽城

歸橈

巴陵風獵獵惆悵晚歸橈劫火紅羊換狂濤白馬驕岸傾撐石

骨水涸斷山腰猶喜收帆後清樽破寂寥

登岳陽樓和李蘭生司馬韻

寶筏同登大願船空明色界洞庭天雁聲衝岳驚寒陣螺點君

山盪夕煙萬里秋思詩卷外六朝帆影酒尊前時清正合需舟

楫不數端居孟浩然

差竣乞假省親南旋途次巴陵驛卽呈王柳汀前輩四疊

李蘭生司馬元韻

東風昨夜洞庭船紫蟹黃雞載酒天湘浦娟娟香草韻漢陽渺
渺柳絲煙七襄織錦從君後千里揚旌導我前髀肉半生違夙
願何時姓氏勒燕然

風力難爭上瀨船蕭蕭落木薄寒天昨宵三尺巴陵水今日一
帆鄂渚煙宦迹偶然經楚尾才名深媿在盧前共舒中禁觀書
目黎照幾回太乙然

估客連檣任泊船瀟湘無際落霞天花飄蘆渚猶晴雪草腴莎
汀只暮煙壯志不灰蜷曲後歸心常逐鷓飛前一聲欸乃聽柔
櫓煮茗清談楚竹然

飲雪軒詩集

卷二

五

剡中曾泛鴨頭船紅樹青山夕照天三楚昨來揆杞梓九變今
望但雲煙懇 恩楓陛從秋末 開事畢乞假省親回籍楚撫歸
劉韞齋前輩於九月杪附奏

侍護幃在臘前捧檄不無毛義思故鄉魚鳥亦懽然

附錄蘭生司馬登岳陽樓作

風捲蘆花浪拍船岳陽城外水如天兩三星點洞庭渡八九
氣吞雲夢煙我輩登臨皆逆旅斯民憂樂到尊前蓬蒿滿地
飛鴻集一度憑欄一惘然 岳禮連年水災
居民多流徙者

柳汀前輩和作

湖口方停旅客船登樓遙望晚晴天同臨鄂渚千潭月獨憶

齊州九點煙

理庵以省親歸
浙余不便請假

沉芷漉蘭歸眼底江東渭北話

樽前

蘭生有上海之遊
數日卽將分手

從茲雨露三霄渥破浪乘風意快然

文巡捕閔丕哉和作

此日征帆浪拍船碧天連水水連天山名團匾濛濛霧洞庭中有
團匾地接瀟湘漠漠煙八百洞庭來眼底萬千氣象列樓前
何年駐守巴陵郡勝景常遊亦快然

伯英太守閏十月朔鄂渚餞別作

何國琛

五羊城郭憶分襟丁卯余與君同客黃鶴樓前使節臨蜚雨

蠻煙如昨夢吳頭楚尾愜謳吟三湘杞梓掄才手一代文章

報 國心遊子衣衫慈母線閩陽春裏壽觴斟君乞假歸省

經邵家渡作閏十月十四日由甬上返棹

紫蟾山上紫蟾稀鶴鶴江邊鶴鶴歸正是午潮風獵獵蘆花如

雪過船飛

飲雪軒詩集卷二

六

經黃墓渡

終始不仕漢黃公天下聞至今句甬上猶是鬱孤墳風急帆眠

浪山高路掛雲行人拜秋色楓葉下紛紛

辛未七月既望佩韋齋與尹秋雪金茨陳雪楞景輝兩舍

人聯句家駭等謹案先君佩韋齋隨筆云京都慈谿試館在東安門外皇城根夾道小甜水井衢衢東

首路南同治戊辰春公車所捐置也距舉殿不甚遠尤便於殿廷考試余與趙運伯棣部家薰洪雲軒舍人

九章廉其直而購之明年己巳增置南院廂屋兩間曰棗紅館

遂甲戌復置西院一所曰三魚書屋共計大小房屋二十八間先後約糜六百餘金東院南構佩韋齋

余退直之暇同人會文其中擬屬桐城吳擊甫同年汝綸記之

不果

誰將殘暑去一葉忽驚秋楊兩挾奔雷過陳虹兼夕照收蓴鱸

鄉國夢尹裘馬上都遊陳作達應非計炎炎不可求楊

蕭齋無俗韻風雨此朋傳楊揚精神鑿陳蕃肯我留尹庭陰

桑耳落牆隙竹芽抽陳短綆資深汲休言道阻脩楊

壬申初夏佩齋分東尹秋雪金炎洪雲軒九章陶雪榜

景輝三舍人

牆竹初栽葉漸摧益荷新買少花開北城尹老可人意風雨今

朝期不來秋雪

白芡紅菱碧玉觴西湖廿載少年場豈知今夜長安月來照尊

前兩鬢霜雲軒

論交三世廿年中京國相依薄宦同何處秋風聖宿草家山夢

裏哭封翁雪

壬申秋夕漏盡題家書後

飲雪軒詩集卷二

七

紙上平安枕上思未能將母遂烏私料知深夜醒無寐正是高

堂念及兒

一住長安已兩年南天北地路三千迢迢魚雁幾時到想在中

秋節後先

又上廣文兄

自問行年四十七齒搖髮禿未爲遲抽書架上我尋事運巒齋

頭天賜時數數還家徒有夢悠悠作宦竟無詩原知短綆苦脩

汲勉強精神尚可支

癸酉再典湘試閏六月望日午發涇陽驛

涇陽南去路林木蔽郊垌陣陣廉纖雨行行長短亭水溼莎草

綠雲斂晚山青四載欣持節鴻泥記昔經

涇陽驛阻雨

涓滴曉涔馬腹平涇陽道上阻人行誰知一雨收炎暑滿地蜩
蟬不敢聲

出望都

望都城外水潏澗楊柳千行夾道栽莫漫塵勞譏執客清風明

月我重來

是日經清風店明月店

經信陽州

居民結屋傍崖開谿路沿緣武勝關客至似曾相識面信陽城

外舊青山

轉頭禾黍便秋成雁戶參差鷺墩平紅樹夕陽歸犢路沿山打

稻一聲聲

飲雪軒詩集

卷二

支

出武昌省垣抵湖東驛作

荒山廢壘亂號鴉兵火殘黎三兩家莫謂秋郊無景色湖東蒼

麥已初花

寄懷盛蓉洲功曹

植型

思君不見君漢上清秋節行館耿難寐候蟲聲唧唧

癸酉秋再題萬年庵道遠和尙詩册

仍用吳文恪原韻

閉戶耽禪悅何來車馬喧上方題句徧初地借經翻衣鉢傳新

命湖山拜舊恩松風時一徑再到記雲門

附錄芭庭前輩作

時同典湘試

陳

翼福建閩縣

暫憩招提境欣無塵俗喧竹陰禪榻淨花影佛幢翻古額傳

遺迹殘碑識舊恩老僧清不俗題句徧山門

寄懷蔣薊泉中丞

益禮

解組歸田去英風媿昔賢頭顱猶四十平地竟神僊粵浙成功後衡湘養晦年經營小邨壑花木富平泉

癸酉冬假歸省母甲戌新春北行

昔歲辭京今上京往來萬有二千程凍雷一夜推殘臘楊柳依

依春水生

附錄再典湘試贈詩

同治理庵同年再試湖南賦贈

昭陽作
尋閏月

蓉浦楊

頤
廣東
茂名

聖主龍飛日中興寶籙昌烽煙銷建業鐘鼎偉湘鄉一代科名重千秋沆瀣香楚材天下選射策備賢良

伯起人中傑高名仰斗杓三湘重剖璞四載兩乘輶翼向衡

飲雪軒詩集

卷二

七九

陽展羣知冀北超鯨魚爭跋浪莫漫認蘭若

八月乘楂客秋風又洞庭題詩高太白鼓瑟紀湘靈去擷芳

洲杜歸儲藥籠苓波瀾應不二英蕩昔曾經

同試金鑾殿聲華獨羨君濃薰蘭芷氣迥出鳳鸞羣楚澤吟

青草慈湖戀白雲笑人慙寂寂歸夢鑑江濱

悉伯李慈銘

會稽

楚南才為天下雄文忠文正人中龍提挈羣賢廓氛霧遂成一

代中興功其餘彭左亦奇傑若羅若李勇無敵一時驥首

攀風雲生畫麒麟死埋血所惜文教猶未昌剽竊理學成猖

狂先詆陽明及許鄭欲以學究升明堂何晏清談老逾彥

倫山居不識字後生佻達習大言塗抹以外無餘事依草附

木誠無尤妄校尉亦能封侯功名凌獵到學術不持寸鐵爭
伊周三載賓輿國大典使者一雙 帝親選激揚風俗在此
行況楚多材易爲善君承異數尤獨偏三年兩使湘南天沅
芷澧蘭拾不盡望衡面面開紅蓮慈湖自昔講學地龍山巖
山一脈寄東鄰鄧縣西餘姚黃全文獻實職志薰風馬首雙
旌開文章光氣凌珠台兒曹塵戰曲江捷北堂高舉南山杯
秋雪尹金棗 同邑

文昌昨夜光熊熊簡書曉下蓬萊宮玉堂僊人銜 恩命錦

車玉馬紛西東就中嶽嶽楊伯起揮毫夙擅警龍技曾持使
節泣衡湘歸來入覲 天顏喜皇華詩好一再賦又策輕車

就熟路多士仍憑玉尺量良工還把金鍼度君不見蒼梧山

飲雪軒詩集

卷二

三

高高接天九嶷橫與浮雲連颺颺嘒猿猱歎雨山鬼疾走青
峰顛天風一掃雲翳盡蘿月高挂巖扉前洞天石室人不到
雲之君兮來翩翩又不見洞庭無波風日午微聲嫋嫋吹蘭
杜漁歌唱徹楚天秋一陣鶯鴻起遙浦有時忽觸馮夸怒軒
然大波若雷鼓日月跳擲蛟鼉舞噴巖壑萬窟號估客帆
檣皆氣沮深山大澤俄險夷其開豈曰無英奇君今爲 國
收神駿相馬毋徒相其皮文詞屈宋好標格千古風流未銷
鑠且把珊瑚鐵網收好將杞梓斤伐送君行飲君酒不用
臨歧惜分手此行都道氣如虹雲夢胸中吞八九來時采得
驪龍珠爭先快睹還輶後

三年重過楚江濱，星使頻來證夙因。
勝地芷蘭多戀舊，公門桃李又栽新。
名場佳話應傳誦，後輩英才更絕倫。
莘野旣膺芹水馥，膠庠還樂荷陶甄。

將才本羨楚邦多，爭向疆場奏凱歌。
自有宗工持玉尺，不煩良士荷瑠戈。
蘭芬好擷靈均豔，棠芡曾經召伯過。
他日新昌重讌集，北堂獻壽樂如何。

飲雪軒詩集

卷二

三

飲雪軒詩集卷三

慈谿 楊泰亨 理庵

外孫咀英張錫誠重校

光緒紀元乙亥秋日赴杭

蘆渚秋風起長亭鼓棹行昨經文種巷今發范蠡城野店寒鴉陣江濤怒虎聲吳兒乘曉渡雜坐話戈兵

晚歸杭寓同洪秋國明經

九畹

作

吳山杖策試登臨城郭人民慨歎深北嶺怒潮衝戰骨西泠涼月照禪心載罹兵火傷王粲猶賸知交識杜欽回首昔年詩酒地無端畫角動哀音

壽鉛山程叔漁年丈

鴻翔

暨德配鄭宜人七十

我侯慈父母下車癸酉歲

令子稻村同年明府雲
做上年七月蒞吾邑任

灾區起瘡痍

飲雪軒詩集

卷三

一

煦煦陽春惠我從 恩假歸宦迹鄉關滯無以為母歡菽水慈顏霽一旦高軒過沆準同年締東洛仰儒宗程氏太中裔家聲紫谿流華胄黃墩系庭誥漢川承母範叱羹繼堂構美燕詒簪笏傳勿替小試得花封學優錦可製垂白奉雙親款曲琴堂詎共臚愛日惟著策家人筮詔我引年辭養心曾參逮明歲壽筵開七十稱觴計鳴薑羅兼珍膾鯉味甘脆將此孝治思大為薄俗厲慄然識尊親風義激氓隸誰省案牘稀三年勞撫字花鳥認庭閒噴哉清白吏詩書澤斯民咸拜傳經賜儒雅乃吾師力矯詞章弊公餘手一編尊酒論文細慚愧豚犬兒未解雕蟲藝校技童子軍先後通家契召伯兼杜母並奉文翁費從茲游與楊立雪程門侍學校旋輿敦澤孤寒被山縣小於錢大力斯

文寄闕湖復慈湖講席鵝湖嗣始信學術闔淵源有由致茲忻
丙占星甜雪獻嘉瑞孝筭發上春蘭蕙森於砌開我經綸堂列
我雲璈隊懸我絳縣弧設我金妃悅上壽祝高堂齊年紀盛事
鳴鐘饌玉文朱鶴青鸞使彩毫瓊屑編錦字珠璣綴爛斑萊子
衣官舍羣揚解椿榮萱亦繁德蔭千春庇南國競謳思長此甘
棠憩

壽魏丈雲浦明經

鳳林 八十 丙子 八月

雲浦先生義皇人行年八十猶清貧丈夫自信在千載吾道有
屈必有伸俗儒喧呶競章句孔書遺緒忽以淪句章者舊沿樸
學文元文潔俎豆陳里社能知崇先正星星之火亦傳薪先生
崛起雲山麓勵學探奧絕匹倫眇覲邃古宗洙泗白髮著書還

飲雪軒詩集

卷三

二

等身論語微言多闡耀春秋大義亦紛綸天地宗子大父母大

宗論記吟且呻

論語微言春秋大義及
大宗記皆先生所著書

手書一編自怡悅知音

落落歎風塵有時出語駭時俗壯夫氣短懦夫嗔相期汗漫幽

燕道素書或得達 紫宸鄉校何人敢論列願有一介草莽臣

思量昕夕中腸熱此身可殞名不泯十步九頓氣喘急出門惘

惘皆荆榛親朋勸阻不得發青衿老矣潛悲辛吾年雖老志堅

忍從茲穩卧西谿潯谿上薄田麤可治蝦蟆繞舍鷓鴣鄰身世

寂寞非所計往哲緒言終不湮藏之名山是亦足使者徵索待

蒲輪三詔六聘料不起容有來生未了因咸豐季年妖氛逼土

寇竊發閃野燐鄉約鄉團及保甲躡足炎天勸誠申一朝星埽

欂槍靖嶢然不滓風波民徜徉里中訪故舊白蕉之衫紫荷巾

飲雪軒開常過我縱談今昔殊斷斷當年曾舉六老會龍山鷗

壘雞湖濱吁嗟小子得隅侍至今父執星已晨六老會分時分地而舉王丈素

開葉丈東陽王丈靜蘭及先大夫均下世今惟先生暨潘丈哲夫存耳金窖隰中梅寂寂水雲庵

外水鄰鄰水流不競雲常在中有一叟行戴仁於世無求信高

潔貪夫俗子目不慎避囂偶與彌勒伴招提不出動經旬想見

鬢絲禪榻畔年敵黃安養谷神文孫繼起傳祖視桂花香裏懸

弧辰松苓可劘蕤可采鳴薑蕘芋當兼珍桂醕合作千日酒羣

從及門稱觴頻歸然靈光存此老庶爲後學開迷津芝蘭氣味

松筠操先生坐是上壽臻榮世之壽侈高爵遺世之壽葆天真

君不見張蒼伏勝暨轅固博士江翁杜子春

再呈雲浦先生

飲雪軒詩集

卷三

三

已分名山老誰爲大箸傳二三故家子猶說媿前賢東洛堯夫

學西京伏勝年媿無靈壽杖贈彼地行僊

懷彼都十章

咸陽

阿房焦土久成煙長樂鐘聲寂不傳處處草生三殿滿年年月

挂五陵圓沙平渭水銷樓閣地剗驪山失墓田獨有流鶯還似

昔春來一過故宮前

雒陽

赤伏符興白水鄉長安父老泣蕭王雲臺簾捲珠門敞太室峰

陰紫殿涼劔珮有聲歸北闕香煙不斷繞明堂許昌遷後分吳

蜀無復衣冠在洛陽

成都

漢國山川玉壘分
永安行殿劍門軍
錦江不盡羣臣淚
巫峽空高百戰勛
丞相祠堂留古柏
先皇陵寢卧斜曛
誰令路闢陰平道
八陣圖前祇暮雲

鄴都

魏武經營漳水旁
英雄霸業怕淒涼
河清下見螭頭影
風過遙聞雞舌香
歌舞玉殘春不轉
樓臺燕去夜空長
西陵寂寞宮人散
墓草萋萋對夕陽

建業

江水東流千尺深
六朝事業此銷沈
後庭花落誰來往
故國猿嗥無古今
天外曉雲空壘石
城頭夜氣忽埋金
河山收拾新亭飲
雪軒詩集卷三

四

汨燕子磯邊聽暮禽

汴京

千里黃河壯帝京
歷年二百不知兵
山呼創業陳橋驛
月滿遺香夾馬營
良嶽石推人盡去
北門鎖斷雁無聲
金明池水清何底
隱隱天邊五國城

臨安

半壁東南社稷壇
康王尙在聚千官
江潮帶恨黃雲動
官樹無情白露寒
諸將戰歸皆賜第
六橋朝罷共鳴鑾
中原萬里煙塵滿
不向吳山立馬看

燕京

金陵遷鼎燕飛回
天子臨邊萬乘來
南海離宮通御苑
西山高

閣望甯臺九龍池月松楸暗五鳳樓雲拜舞開歲歲車書漚晚
路蘆溝楊柳玉河梅

姑蘇

西子乘舟別國年館娃新草綠芊芊宮花夜落空臺泪苑樹春
籠高閣煙侍女盡隨句踐去遺黎祇爲伍胥憐虎邱石畔悲風
起忤觸歌聲到水邊

會稽

禹廟空山草木枯越王城上夜唳烏但聞一劍藏蘭渚不見扁
舟在鏡湖北望煙銷軍士老南還帳冷美人無年年風雨三江
水辛苦君臣五大夫

丁丑春日借洪梅艇同年

倬雲

遊天童寺六十韻

飲雪軒詩集

卷三

五

嗟嗟道不聞問年五十二我與洪梅艇老母幸各侍母言爾兩
人同年又同志朝夕營旨甘里居苦顛顛眷言太白山仙靈夙
所寄五日以爲期兒但去遊戲皮陸互唱酬游山亦高致光緒
丁丑春二月二十四迺檢遊山具酒榼并茶器信宿古漢塘雨
篷聲亂墜秋國亦齊年有約期不至

謂表第洪
明經九晚

一水甬句東問

塗從茲始夜泊小白河朝發天童寺招手來輿夫竹轎雙肩置
鳥多泥滑聲策少游春騎山家未焙茶村落不成肆長街接谿
頭樵擔紛老穉十里復五里略約橫水次零落杜鵑花宿雨寒
猶漬一徑入松風謾護有涼意溼翠撲人衣萬綠脩篁媚寺深
不見門市地雲陰闕行盡清關橋梵宮忽現示七堦界雙池闌
此煙霞祕游山逢主人入林欣把臂

鎮海方正甫觀察
義路預訂遊約

爲母祝

遐齡開場作佛事呼僮煮茗泉招僧移襪被蔬筍雜然陳山肴
潔且備春樂軒靜幽奎煥閣雀歸寺僧捧法物云是

天恩賜

謹觀

世祖章皇帝御書敬字一幀松風水月堯

山拜其下大護法不見僧過善知識能調物情各楹帖

額琳琅瓌寶

墨迹猶新

荃題巖壑輝龍螭蟠光瑞湖晉義興師結茅深山裏臨濟衍宗
風正覺師宏智松源四葉傳法席今猶嗣僧言真苦空院宇失

脩治行腳遠來僧挂擔無糗糧普告善知識咸與大布施妙術
擅點金或可相推飲索我李邕書問我揚雄字叩我維摩經屬
我名山誌我本枯腹僧能弗惡焉媿禪榻話宵深大眾齣睡
塵夢豁然醒晨鐘杵有幾詰朝出門去初日虛檐遲往躡玲瓏

飲雪軒詩集

卷三

六

巖杞棘森芒刺欲覓妙光銘縱橫卧巖眞遵彼南山行林壑更
幽邃磴道斷澗谿迴環景物異旁連幻智庵圓悟栖眞地額曰
祖師在美哉慧定謚塏院訪中峯頽垣深薜荔尋碑屢生雲山

鳥催歸思茶話憩山亭翫作驕陽避打包亦云孰破繖毋捐棄

梅篔日子爲
破織道人

歸舟挂布帆解衣同一醉

有馮慶祥余九
如兩君同歸

桃渡夕

陽紅惜別情逾摯眼福廣青山斯遊意良遂昨攜藤杖來堂上
各歸遺倦遊返里門母曰嗟子季絮述向母前作詩當遊記

天童寺用姜西溟寄山曉和上韻

萬竹千松繞寺門空王禮數獨稱尊攬拳獅柏風無影歛澹龍
池月有痕靜夜泉聲通枕席平明雲氣失山村何當參破維摩
法粥鼓齋魚寂不喧

遊山用烏春草先生原韻

萬里東溟海上山無端太白落人間
龍歸淨鉢空潭碧虎卧香龕
老石斑藤杖攜來溪叟便芒鞋
踏去野僧閑神仙窟穴煙霞侶
只讓巖居畫掩關

歸自天童東洪秋國十絕

驚雷驟雨逐吟篷一夕春潮急
用東不戀禪家蔬筍味愛山重
入古天童

浩劫東南闊大千松源猶幸佛燈傳
題名古寺模糊在不到天童
廿七年

造次巖花紅不斷殷勤澗草綠相招
今朝竹轎雙肩穩昨夜蘭舟
獨櫓搖

飲雪軒詩集

卷三

七

玲瓏巖石碧苔封縹緲遙瞻太白峯
廿里松關行欲盡寒雲幾杵
曉山鐘

怪石長松磴道遙四山迴合抱僧寮
門藏脩竹深難見萬綠叢中人
過橋

梵王宮殿倚參差七堦亭亭夾兩池
清磬疏林煙靄散看山門外
立多時

圓悟當年選佛場

天題巖壑賁輝煌山靈護惜昭華寶
猶有

先皇御墨香

慧業名山我未能頻年辛苦打包僧
芒鞋踏月佛無相竹笕穿雲
禪上乘

瞳瞳日影上香臺
花雨諸天霽色開
待曉谿聲清到枕
耳邊真是好音來

絕壑潛蚪動夕吟
朝來一雨洗園林
閒雲終合還山去
遭際清時會作霖

六月望日攜諸子登赭山頂龍王堂

溽暑纔經一雨收
腥風習習古靈湫
閒攜謝傅游山屐
高據蘇髯望海樓
赭北丹砂分野色
谿南碧漲畫江流
村農報賽成香市
蛇徑盤紆漫阻脩

施邑宰勸辦積穀借至東鄉保國寺途次偶成

七月二十八日

備荒海國意勲富
室句章與勸分社
祭不忘袁正獻義
莊猶說范希文鷗
思江上仍青草驃
騎峯前但白雲豈
有甘棠憂剪

飲雪軒詩集卷三

八

伐斯民亦解誦詩云

方正甫觀察

義路

屬題畫

輞川閒情別墅米老妙畫遠山斜日西風片棹白沙清渚半灣
此中琴聲流水何處詩界晚霞綠酒尊前詞客丹楓江上漁
家元亮柴桑地僻杜陵草閣江深不有故人情話難酬萬斛
秋心

丁丑十月十日宿陳雪初親家理問

壙

玉几山房

黃葉疏林晝不如
謳思江上抱邨居
霜風半榻宵聽雨
山景滿樓曉讀書
岸刈寒蘆薪束後
場登晚稻稅租餘
獅峯合沓通樵徑
時有炊煙繚碧虛

富張燦揚上舍疊前韻

片席寒瓊意泊如筆牀茶竈兩峯居問奇媿我元亭字按祕多
君圯上書蒼狗世情雲幻後紅羊塵劫雪消餘滄溟會見鯤鵬
化莫笑空言畏壘虛

丁丑仲冬陳雪初親家屬題慈東石灣八景

洞橋春望

春漲洞橋波縈拂洞橋柳願言賦長楊春風常在手

隱湖秋月

湖舊在師隱庵前
曰庵湖今名隱湖

佛燈初上時梵唄秋山歇入定印禪心止水一泓月

師隱曉鐘

山房玉几橫夜宿山房靜十年待漏人晨鐘發深省

時告養
在籍

西嶺晚霞

飲雪軒詩集

卷三

九

僊子醉流霞省識春風面返照入桃林落紅紛紛片

南坪殘雪

南陟陶家山霽色開墟里冰雪點梅花玲瓏架玉几

謳江漁火

夜泛謳思江謳吟無盡思江水自去來漁火二三四

獅峯夕照

山頭兀相向蹲作獅子狀仕路得回頭不墮青雲壑

龍岡煙雨

呼龍龍不鷹盤鬱煙雲在莫漫卧山林霖雨蒼生待

寸草心圖自題

戊寅
春日

十載違親楊理庵兩蒙 恩假在湖南歸來猶有嬰兒色不道

行年五十三

一寸迴腸百慮侵唐南陔致養愧予今如何小草春輝報視此

卷施未拔心像係謝惠舫所繪
屬王端如補圖

借趙瑾伯農部家薰至慈湖書院信宿有作

楊子亭西楊柳東春來步履惜恩恩湖山游舊凋零後煨燼文

章慨歎中無恙樽開梧院月有時瓦墮竹簷風驚心三十餘年

事蕭寺鐘聲歷劫同

東孫彥清廣文德祖馮舸月孝廉可鏞用龜山先生此日

不再得韻

彩筆不夢江鐵硯當磨柔三人笑相視鬢髮各蒼蒼文章豈不

貴期為吾道光吾道有派別象山與萊陽德輿在主敬力行道

飲雪軒詩集卷三

十

同方懿歎楊文元析理極毫芒風徽渺難即心儀良亦臧是日
屬工

重摹文元公遺挂及明張忠烈公
本朝姜西溟鄉先輩像各一幅擴充此善端無任物欲戕立

言不立德詞華亦批糠嗟哉兵燹後遺籍鮮祕藏披韜不憚劬

澤古徵餘芳時修邑志諸
君殫心分纂愧余驚鈍質鉛刀抵金剛負山責蟻

力中夜起徬徨古人或詔我綆短心苦長好學闕生宅舊鄰城

北莊迴思漢道季人文啟句章馨香奉俎豆闢茲選佛場案普
濟寺

別設闕相祠已廢今議奉
粟主於西廊以規復舊制愛今而薄古賣餅譏公羊萬靈鬱潛

德聞幽毋遺忘百年余過半蹉跎四十強譬如斷港流難濟大

海航涓滴容有補汲汲修爾常求得在心源舍之則速亡因文

以見道穿鑿心所傷慎旃各努力余言警且狂

附錄彥清廣文贈詩

孫德祖會稽

昔聞關西楊夫子今見鄴西楊夫子起居八座太夫人文苑
三朝太史氏祇從乘輅迴衡雁爲戀倚閭復慈水養雛驚看
齊五鳳生駒何止論千里云何今雨寫心素偏許春風追杖
履割雞分味及林宗懸榻埽塵款徐穉已經筆陳窺羲獻旋
承縞帶歡羣紀公門四世雀環留會見七葉貂蟬珥卻謝承
明侍華白未羨迴翔博紵紫公輔終須及黑頭忠孝已足光
青史顧我無能叨禮幣愧以菲材閒杞梓風流儒雅得所師
低首宣城從此始

時在光緒
庚辰冬日

谿上野老行爲施九韶邑侯

旅成
贈別

鹹潮來何速谿南有堰胡不築鹹潮去不來谿南有堰胡不開
去年縣官初下車隨車甘雨歡有餘六月食瓜齒芬在縣官一

飲雪軒詩集

卷三

七

年竟瓜代今夏苦旱卧治難出城步禱社稷壇官不愛錢愛百
姓顛天敢爲民請命百姓利病官留意惻惻勞農籌水利邑瀕
東海斥鹵舊處暑無雨鹹潮救

徵諺

鋤強亦念父母慈慈谿谿

水清而瀾安得百年黍雨膏改堰築插備旱勞土瘠能令粳稻
腴官不催科賦無逋迢迢官驛蘆花絮秋風吹送官船去官去
有母需粥饑願官選受一大錢

九月五日擬續龍山登高不果乘彥清舸月

如此江山如此秋登臨我已約朋儔乾坤何可無高眼風月從
來有勝遊不盡寒流澌鷓浦祇餘荒草滿龍湫小春會欲重攜
酒寄語諸公首肯不

題駢兒遺照

庚辰十一月
二十二日

汝歿已經旬何來身外身叫呼驚穉子掩泣家人泡影三生
夢曇花一現因雖非真面目形迹總相親

汝年三十五祿我廿年加痛念重闈在哀齡八秩賒儻令懸小
像難免戚全家任爾妻孥守背號勿見爺

歲除 庚辰

纔過今宵歲又新親年八十有三春諸孫來此重闈侍明旦衣

冠少一人 駝兒新亡

蹉跎五十五年餘藥裹經秋到歲除多少亡兒經手事傷心最

是檢醫書

楊村八詠

雙峯

飲雪軒詩集 卷三

三

郎行未及冬顏色雙峯好山雪白頭看願共雙雙老

楊柳村 柔曾大父越凡公春景截句云楊柳依依綠到門農夫家世秀才村一年生計春尤急且讀且

耕課子孫

前有史王梁後有顧陳楊 村人 諺語楊葉社中酒春風歲一香

小方池 舊卽青草灘廣衰三畝許先兄次湖廣文乃以石登之錫名曰小方池

蓮鷗夢已涼沙蛩語未歇闌風滿四天有時皺華月

枇杷潭 潭在緒山北麓旁連步嶺山莊舊址

山莊一潭水形小枇杷似石乳卽金漿吸取文章髓

清果禪院 今名緒山寺

寺藏翠微灣池迳及松關亂泉芳草徑殘磬夕陽山

龍湫

老龍行雨歸倦就豬峯宿鱗甲出宵光閃閃照僧屋龍王堂隨僧言光隨擊石然

堵江開在楊村東北道光間清果寺僧遠塵清修苦行夙與先大夫樹人公爲方外交遺香楮錢三千貫屬爲改堰置開澗田萬餘畝餘姚

朱久香閣學蘭紀其事一名多稼牖

遠公功德水萬畝成沃壤明月上東山軋軋桔槔響

草舍利庵距村一里亦名廣濟禪院相傳明時村中有楊古巖先生夢徵者未遇時嘗讀書庵中夜

築結穗如小珠捫之極堅竟夕可得圭撮如是旬日或曰此草舍利也主文字之祥後人因以名庵

儒關非禪關苦行還一致舍利本無相放光因文字

楊村十六詠

珊枝河環村有河形似珊瑚枝故名

南望楮山坪沙流句漏亦屈曲珊枝河交映樹多碧聽徹讀書

飲雪軒詩集卷三

三

聲中有揚子宅

東圖墩世傳大父東圖贈公兆熊釣游處俗名東塗墩

北帶慈水長南經篆江曲春漲滿東河莎草一墩綠游釣有隱

君終古仰高躅

誦芬堂楊愷廿七公家廟也同治壬戌八月間燬於粵逆比先大夫自滬洲返卽冬營建饗堂越五年

先兄次湖廣文旁築廂房東繚以垣

居官儻四知立身除三惑舞訓在聰聽何分家與國雖經喪亂

餘慎勿忘祖德

二石居同治癸亥先大夫所築室也泊子丙寅幕游至杭載二石還時崇文山長章采南前輩窳同歸

爲作歸舟載石記錫名曰玉筍曰擎天柱

二石如二叟朝夕相與處永結忘年交問之無一語持以補天

關點頭或相許

橋故有牀在東河久圯子母任恭人耄年出紡織資命一再修之村人呼為毒母橋

修橋築石梁行人占利濟母言學不修禮義茅心蔽箴爾讀詩

書永作津梁逮

子兄弟讀書講藝處額為昆明趙文恪師光所題

不賦饑雪吟不學食雪事惟茲潔雪心藉勵映雪志兄弟相友

師朝夕飲文字

距楊古巖先生夢徵善宅不數十武

遇窮道乃亨年高德彌劭風雨一茅廬讀書復長歎行行紫稼

橋淡煙互斜照

同治八年秋村南真武殿前田禾雙穗故名賀仲肅邑侯爰徵子作嘉禾頌

飲雪軒詩集

卷三

十四

隴有雙穗禾下邑拜天賜畿輔產更多爵相上其事

帝曰吁咈哉卿勿侈符瑞直督李爵相鴻章獻嘉禾詔御之為邊侍御寶泉所劾

說經軒

楊小坡明經春暉晚號亥谷居士端謹誠懇與人交終始不渝聚書一室探討故實勤於劄記

推獎後進妮妮不倦遠近稱為長者先大夫改建宗祠修輯譜系別立宜爾冊紀載筆墨倚為左右手其歿也子兄弟為之視斂渾漠不止云葬於步雲橋北之高原

夜集枕善居晝接談經室不棄小子予異書抽一一教作壁窠

書曾授如椽筆

滌園

楊守正贈公所築因以自號其大父嵩峯先生膺拔萃科父蔚先茂才承家學嘗師事我大父東園

贈公納交先大夫滌園慷慨明爽客京邸多貴游二子際春詠春入賞作校令得贈三代惜二子均不承年孫介福咸豐乙卯北榜副車輪鑲為部郎亦不祿

憶昔大父言滌園將遠客命父往送之秋水東河白持贈語何

如虛己受人益

樹德庵

在赭北楊大使公提領公墓東側元時建庵以守墓屋材多蠹屢修屢圯先大夫重築更今名

赭峯倚夕陽象水臨前渡鬱鬱望松楸樵牧往來路黃葉拜秋風馬鬣先人墓

蒙養書屋

楊霽青廣文文濤承其父葉洲贈公遺志而作也廣文御子姓嚴而有恩延師課讀其中

名故

養兒如養竹穉嫩當護持疾風暴雨來何堪摧折之廣文曰否

否教子當嚴師

步蟾山莊

莊因紫蟾山得名昔先大夫營建於枇杷潭側奉祀楊陸五公陸六公愷廿七公神位以

第五十五公慈三十七公慈五十月川公祚相公君賢公維明公維周公維乾公維聰公之粟主耐祀緣先塋皆附近也別置山房擬重設經畬課藝會遭粵寇不果

飲雪軒詩集

卷三

五

山以紫蟾名莊以步蟾號願言有志士拾級雲梯好門外水一

潭先酌勵清操

朱陳村

楊村南與朱陳兩姓相毘連亦曰楊陳村

大邨包小邨大戶連小戶婚嫁風俗通村自朱陳古合作黃稼

隴淵淵伐田鼓

箕山堂

楊楮湫先生源來講學處先生居小山河北工舉業從之談藝多時名今遺稿已散佚徐舍

人淵鄭廣文芬皆高足弟子課子極嚴歲朝不輟故杏斐先生韓林能世其學暮年背誦七經盡卷不錯一字先大夫與之友善

有僕不職耕維草宅其畝督僕箕山陽杖策一老叟僕乃背叟

言硯田足餬口

松風水月閣

閣據赭峯頂為游覽勝處昔楊雨膏先生春為高才碩學能為詩古文詞試輒高等

曉音律善岐黃幕游浙西名流傾服晚乃授徒於清
果禪院從游甚眾先大夫嘗師事焉先生器之曰吾
家千里駒也先大夫曰先生曾登嶺峯開閣
讀書晝夜攻苦者經年衣柳生蟻蝨皆滿

如此清涼界豈無智慧果跌宕文史餘風月持贈我時或聞妙
香掩關坐佛火

寄懷李菊圃同年 用清

西粵忽東粵天涯復水涯時勤千里想竟作七年離煙雨杪權
地盟書海國時欲將傾積愆執手邈何期

送韓生 培森 續基 歸餘姚 辛巳閏七月二
十六日分賦

來游逾六載問字亦頻頻歲月思親夢文章報國身柳風青眼
舊蘆雪白頭薪解纜作行客河梁一愴神 韓

秋冷逗深更姚江一夕程送將公子去不盡女兒情遠水明漁

飲雪軒詩集 卷三 六

火孤篷碎雨聲丈亭棲泊處比曉待潮生 朱

題周德乘畫

大好谿山如畫圖闌湖西去又慈湖吹噓欲徧人文藪留得春
風筆底無

年來鐘鼎亦山林戀春暉寸草心千里江關無恙在望雲不

復嶺南吟

秋日興懷岳州

岳州南去接長沙淺水湖邊鴨鴨譁狼籍西風秋有色白頭聞

到荻蘆花

辛巳十月十日山北途中

我行虎胛山後涉杜湖嶺沿湖牛峽灣起伏村落景山農粒食

艱荒田百十頃寒水摸魚兒葑澤泛舴艋
歸路半湖亭海雲溼帶雨瞻彼南山陲暮靄相吞吐宿鳥亟投
林但作謳鴉鷓前村野店中燈火兩三數

登赭山寺坪

黃公何處舊芝田越笄風煙思渺然隔水樵夫歸晚擔乘潮海
舶賣冰鮮行經鶴浦江斯曲吟到嶂山月亦圓期與故人攜酒
至稻花齊放占秋先

存稿

非真萊子日衣斑但博慈親喜動顏夢裏瓠核猶北望年前文
軫已南還時求大隱谿中水好住寒村屋後山未有詩人傳作
在聊存舊稿不容刪

飲雪軒詩集

卷三

七

辛巳冬疎兒返自越漫書

杉舟獨櫓經黃渡竹轎雙肩過赭山八十三齡慈母喜有孫絮
迹越游還

偶占

千秋遺蛻尋黃墓一片寒陽下赭山行向珊枝河畔去蕭蕭紅
葉雨三灣

夢游四明山歌

浙東佳氣何鬱蔥羣山蜿蜒走蒼龍天台四萬八千丈四明二
百八十峯太白夢游亦已事石窗誰與躡仙蹤我今亦應明山
夢夢中朶朶青芙蓉徐鳧巉巖聳天造雲北雲南展眾妙餐霞
之子蘊奇思采芝仙人企高蹈東臨雪竇洞壑開華藏歷劫無

三災鹿亭樊榭在人境瀑泉直挂妙高臺遙遙赤城天與齊青
有風籬丹爲梯捫厯參井摘牛斗呼吸帝座魂不迷仙遊振策
翔鸞起從此扶搖九萬里下視黃埃滾滾中樊籠倏促徒爲爾
秦皇漢武乏靈胎劉晨阮肇非仙才仙靈慧業在文字神山荒
忽安在哉闔闔一聲天雞噓戛然夢醒西谿西人生如夢不稱
意明日看山還杖藜

書寄林晉霞明經

頤山

闕湖水碧闌峯青如此江山炳有靈一抹紅闌兩隄柳送君曾
上水心亭

谿南尋余處士

步屨谿南處士莊曉來清露溼衣裳渚禽格格飛過隴鄰犬狺
飲雪軒詩集

卷三

六

猶吠出牆村徑微茫禾黍掩野塘造次芟荷香誠多入室盈尊
酒醉態常憂俗物妨

題孫彥清廣文小像

良覲復良覲慈湖我有行詠春朋亦集補乘藁將成詞客新圖
畫文壇舊主盟懷哉千秋業珍重若爲情

五十未全老况君四十三知心今有幾攬鬢我何堪史漢兩張
本文章一寄龕化身播百億寶相共和南

壬午四月十八日贈別洪秋國卽題小像

近來離索感時夢到君邊姻婭凡三世知交已卅年有書宜子
弟無病卽神仙爲我鴿原痛相逢獨見憐

我年五十七君後七旬生文字幾回飲星霜兩鬢盈及時行樂

耳於世亦何爭祇以茅容故負慚雞黍情

題鄒芷汀邑侯

文沉

萬壑松雲圖

我家聽松庵近在赭山前羣峯所羅列蒼龍走蜿蜒盪胸出神境雲氣常滃然我侯泣慈谿雅操貞松堅因雲灑澗澤甘霖書有年眷茲人文藪山縣起誦絃揆嚴亦採榦澗谷無遺賢願今秋賦眾致身青雲巔闕峯高而竦慈湖清且漣絕郭發精采治繇儒教先琴堂乃坐理幕僚辟跛仙幽興託豪素潑墨爲雲煙胸中具邱壑寫此好林泉萬松儼太白過雲擬剡川無礙宰官身松風繞夢邊別構崢嶸壑竟登非想天雲物還造化獨立形神全普告善知識繪畫本空筌部民永遺愛解讀甘棠篇哦詩無好句聊誌翰墨緣

飲雪軒詩集

卷三

九

題朔方遊牧圖

皇威讐慄邊徼多至今瀚海無干戈窮荒萬里班聲動鐵騎長謳勅勒歌誰歟畫馬窮殊相行營校尉連雲帳韓幹能將絕藝傳韋韞毳幕紛萬狀塞外健兒好身手矜誇紫駟神抖擻黑狐川畔穹廬開射鹿崖前候騎走安東驍將玉驄馬夜脫雕韉宿烽下軍僑結束曉揚鞭驅追蹀躞汗流赭風馳甌脫秋來早磧石青蒼覺秋好雉尾高牙落日懸目極龍沙皆白草朔方已靖收東隅伏波橫海軍移符

時有事高麗

北人乘船如乘馬再繪周家

王會圖

珉山隴書所見

淺水漁梁鱖鱖天風高鳥鴉鴉霜中烏柏幾樹山下青煙數家

秋氣斯人獨覺冬心於我何加个个風人竹葉圍圍太極梅
花

至十九都李家訪鴻渚司馬

宏滋

煙村臨古渡莎阪綠叢叢賣筍肩山客牽牛飯牧童園林初夏
景雞黍古人風午漲連朝雨揚舫我欲東

我年三首

用白香山和
元微之原韻

我年五十七頭顱已如許慚愧父兄師淹蹇翰墨主時過然後
學難成徒自苦不學亦奚爲女媧搏黃土

我年五十七百般見事遲無才日皆窳褊性時魁纍汎彼聖涯
廣乘舟嗟無維鑽研及道要初不細意爲蓄奮實經訓家世本
貧羸世德稟剛正柔滑恥腥脂紹述余小子煑字不療飢孝弟
飲雪軒詩集

卷三

三

力田科子孫策綴之靜修儉養德我生所大期隱山與慈湖伊
人水之湄

我年五十七鄉居塵事少眷戀我萱闈誠敬甯盡了有懶在河
涘失大而養小言進送喜輿思涉忘憂沼假旋已十年隨情原
不矯故篋理咳餘古哲苦茫渺或定寢門昏或夢觚稜曉歡承
萊子多壽等麻姑天慈竹拜天恩龍鍾扶風篠憶自洞庭歸兩
上陳情表

作家書寄駉驪兩兒京都題後

癸未二月
望日

十日數離鄉春風碧海航端期敦品誼餘事善文章但得名師
益能酬大母望莫將家計細苦爲憶高堂

家駉貢太學家駉赴春官兒曹博進取父母念平安裝束治行

易家書疊接難誤醫甯勿藥生怕病軀單

自甬歸

癸未七月
十四日

西行出江郭襟抱清炎燼歸理今晨楫痕消昨夜潮岸楓衣草
把水苻庇魚苗一雨久不雨沿山待種蕎

白雲行未歇隨我渡江來楊柳風斯舉菰蒲響又催龍湫涼意
滿鷓浦夕煙開有母歸期尅迎門遣幼孩

風雨歎

光緒癸未七月三疾風怪雨來谿南蟹浦池西海塘齧鹹潮倒
灌田禾渰亂流澎湃勢洶洶里老倉皇舍兒恐明州太守上元
宗函書問我災輕重不道纔經二十日東風大作吹海溢發屋
動地勢更雄雨陣迅衝車軸匹蚪龍怒吼豺虎嗥金鐵鏗錚萬
飲雪軒詩集

卷三

三

竅號深山老松千尺偃平地潮頭一丈高屋瓦亂飛沙石走風
荷水藻穿戶牖自辰交午駭絕時耳聾幸未驚我母我母年今
八十五異事百不一二數家人相戒慎勿聲牀頭牀足無乾土
破廬受凍我猶可行作餓殍愁殺我早禾漂沒晚禾枯坐令萬
姓淚潛墮萬姓休矣勿復道州縣催科書上考灾區安敢望蠲
租卽事蠲租吏中飽道逢流民山北來攜妻抱子哭聲哀就食
無方空就死風灾奈何懼水灾我願揮天戈斬鹹生蛟鼉又願
挽天河淨洗甲兵多怒雷一震海氛清晏然不使風雨驚吁嗟
越南休用兵一波未平一波生

東舸月

殘荷聽雨薦新涼庭院秋風桂子香待乞菊花將進酒拜君嘉

賦過重陽

秋末自慈湖歸

蒼然暮靄生湖亭滯我行水禽赴暝色隄柳震秋聲負慚章句
鄙虛舍風雅情史事苦重複亂山互未平

慈湖

多少學人談孔孟紛紛門戶相爭競高明篤實同一歸金谿於
爾獨何病一輪明月印慈湖心之精神是謂聖

癸未除夕

用厲樊樹庚
午除夕韻

去年今日已先春明日來年六十人長壽慈親萊子願麤完家
事向平身救災請羅非爲福負債求書不稱貧一夕天寒山雪
霽歲華宜與白頭新

飲雪軒詩集

卷三

讀萬梅庵先生續騷堂詩集二十韻

三

閨運感海東明社旣云屋日把離騷經一讀還一哭國破家亦
亡何處歸邦族告密飛章名不麗狂生六行歌賦黍離隱遁榆
林谷猛犬吠狺狺孤臣悲放逐白雲縱鷓鴣傾身救巢覆生友
黎洲黃死友文虎陸決絕博士徵奚煩詹尹卜感喟舊神州誰
上徐陵牘中山梅釋狼眾喙任謗讒顛顛類此湘纍鬱伊載其腹
心死出哀吟炊斷啟詩軸惜悽楚些辭三閭存面目制河風氣
開名士老而禿繼雅三百篇藉作風詩讀孔子所不刪詩史夏
見獨埋山沈井中終古必傳作湘水弔無知血淚紛滲漉先生
魂歸來寒松風謾謾

輓蛟川陳爾修明府

肆昌

河陽歸去鬢毛斑，自分疏慵再出山。孤館燈檠猶夏課，渡江梅柳不春還。潁川吏治留人口，爾修於同治辛未成進士出宰江西廣豐無已文才與

古班射鴨堂前流水逝寒塘，曲匯月明灣。

壽母堂重九遲客不至。家駭等謹案光緒癸未秋先君於居宅前隙地仿鄞范氏天一閣制

南向建築樓房六楹移書籍六萬餘卷藏之樓上時先大母任太夫人年及耄爰領廳事曰壽母堂以志幸樓

前舊有屋數楹庖湑咸備為經畝塾課及門與諸子舊文之所東廂懸河翼以後樓顏曰文徵按輯吾邑耆舊

詩文將從事校刊也西廂為雙忠硯室合皮前明倪文貞公元璐張忠烈公煌言遺硯各一屬會稽孫丈德祖

為文記之

睡起餘書味吾齋獨憇休，無花堪插帽有酒已盈甌。秋氣涼於水夕陽紅到樓，今朝重九是曾約客來遊。

經黃公墓

飲雪軒詩集

卷三

三

子房水石投商山，奚借重商山。雖云高乃為雌呂，用惜哉孝惠。孱七年祚漢，統黃公胡為者遁逃。甬甸東爵祿不可羈，萬古激清風我來尋遺壟，不見漢黃公。但見滄江上芝田煙靄中。

橫山橋

十里橫山前後江，數家村落吠寒戛。野航獨櫓穿橋去，烏柏霜禽飛起雙。

飲雪軒詩集卷四

慈谿 楊奉亭 理庵 外孫咀英張錫誠重校

光緒甲申夏秋之閒朱武顯祠夜聞戰鼓聲若治軍然左

近居民并見人馬出隊狀絡繹釋孔道時佛蘭西寇闖

縣志武顯祠卽高節祠縣西三里馬路灣一名慈郭廟俗稱朱將軍廟祀 國朝昭南道光二十三年邑人周

將朱公諱貴並其子武生昭南道光二十三年邑人周

裕募建雲貴總督林則徐題其堂曰忠規孝矩浙江學

政吳鍾駿撰祠堂碑記案公字補堂江南上元人寄籍

甘肅河州道光二十二年英吉利寇瀾陷甯波公奉檄

領所部九百人屯慈谿大寶山二月初四日敵大至四

面環攻公以火銃擊其酋巴麥尊斃之自辰至申斬殺

無算而敵來益眾乞援不應與其子昭南力戰陣亡禱

校兵丁死者二百餘人敵亦大衄舟載屍回累日不盡

痛哭驚悸相謂自入犯以來未有如公之力挫其鋒者

公死有餘烈自是無人言戰敵亦膽落不敢深入矣

廟灣戰鼓夜夔夔閃爍秋燐擁鬼雄知是將軍餘熱血憤將神

飲雪軒詩集 卷四

旅出靈宮一千里外同仇切四十年來餽敵空 武顯陣亡距今四十四年

哭海天風雨苦山楓點上淚殷紅

附錄馮舸月孝廉和詩

寶峯西瞰武功祠

朱公官副將授武功將軍太史 虵馬淒迷 詩作武顯則從其贈官階也

昔駐師終古河山留戰壘至今風雨現靈旗裏創飲血仍前

恨躍馬橫戈儼舊時料是鬼雄思赴敵天南羽檄正紛馳

甲申冬仲自郡歸偕馮舸月作

出郭理歸棹罌湖西復西冬心誰共抱道侶好相攜詩卷慙風

雅家山要品題褰衣行蹶躄不亂獨王倪

烏柏荒村路黃蘆淺水湄如何臨野渡復此悵分離木落山容

瘦江寒潮汎遲隴頭梅似雪猶欠去年詩

自有津堪問江形篆曲灣魚腥冰澤吐鴉閃夕陽還露草零黃
墓霜林斷赭山鶴寒飛不起橫浦水潺湲

馮君稱大小尙著老萊衣我抱終天恨難延寸草暉霜華欺兩
鬢歲事苦恆饑孺子空餘泣親門寂寞歸

書事

乙酉正月十九日

毒霧海天昏祥輪馭曉暎 皇威揚鯁壑天險恃蛟門鐵甲樓
船燬紅衣大礮尊山城觀戰者笑語溢春溫

馬尾懂而跳天驕氣不驕鼠將投火穴鯨復跋春潮海國烽煙
警關屯士卒驍元酋瞻漢使猶是霍嫖姚

自闕湖歸

乙酉夏日

闕湖靜不波闕峯兀不動我行湖心亭雲物水天總

飲雪軒詩集

卷四

二

飲雪軒秋夕

蕭蕭絡緯鳴新涼納窗牖桂子發天香留待中秋後

書所見

開殘籬菊兩三朵搖落山楓四五枝獨抱冬心蘆似雪白頭猶
有好風姿

南谿遊

檐溜初停喜昨宵南谿遊侶舊招邀山從車厩高爲障田到羅
江低受潮人雜舟搖三板渡鳥呼泥滑兩肩轎荒村暝色催孤
炊已有魚梁宿鷺翹

雪後

梅花高潔竹平安樂有知交共歲寒積雪滿庭閒不埽要留虛

白室中看

晚歸經畚塾

亦耕亦讀谿南里門外青山屋外河槐柳蕭疏遮不住書聲斷續晚風多

珉山

丙戌夏口

珉山循隴去青翠兩相當渚鳥浴秋水野蟬鳴夕陽松楸迴望合禾黍轉頭香廿載兵戈後年豐爲國望

我自念庭闈途歌人獨稀蘆江秋漲滿竹里午煙微莎草綠無稅鷗鳧生有機思恩泉滴滴上有白雲飛

讀漢書志感四首

周亞夫

飲雪軒詩集

卷四

三

將軍持重大功成遺壘千秋細柳營久矣三章從約法俄然七國起紛爭臣冤不合誅強諫兒戲如何與典兵漫說絳侯名父子竟令一死一全生

賈誼

漢家宣室本求賢無奈長沙有謫遷才士幾人知己遇文章百代諫書編席虛文帝恩猶薄傳合靈均品不懸鵬鳥賦成嗟讖語湘江憑弔思愴然

鼃錯

豪宗發難早和遲臣罪當誅曷謝爲父子胡然傷訣絕申商無那誤師資忠憐小智身難保護削雄藩諫亦宜最是朝衣東市去獄成袁盜悔奚追

李陵

饑疲步卒敵胡當太息書生不自量殺虜幾人銘戰績開邊千古誤封疆高皇雄略平城困蘇武冰操朔漠僵降將報恩難置喙小兒多事出齊梁

四明山心石刻歌爲宗湘文郡侯

源瀚作

四明二百八十峯夢中朵朵青芙蓉何當奮身凌絕頂歸鳥決皆雲盪胸明州太守亦好事遣我摩崖擘窠字橫張畫壁走蛟蛇四明山心大字四出力字外稜藏中隸書奇古光熊熊竟觀紙尾無姓氏手筆漢人將毋同字徑二尺高逾丈何來瓊寶供珍賞鑿石嵯峨杖錫山猿獠欲度荆蘿上縛竹架木梯而登搨石椎擅鐘鞳響山僧對此色然驚屏風巖擘巨靈掌此山環而

飲雪軒詩集

卷四

四

疇計量地維約略提其綱主山本隸明州境志地獨別黎洲黃主名歧出紛爭多怪誕莫若毛西河競言實事求其是無奈山靈騰笑何惜哉李蔡不復得碑石鼓皆剝蝕只今購買揮縑縮炎漢以來視茲刻天台雁宕互品題四明洞天古有稽前身合是謝康樂遊具還將筆墨齋應夢名山始於此明日杖藜我行矣

題柯丈齋青

振嶽蘭雪圖

谿上風騷主誰歟獨擅場葦閒無繼軌蘭雪亦流芳前輩陪裘

璉

梁

同人角尹

元焯

王信

鳳凰山色舊圖畫鬱蒼蒼

普濟寺書所見

慈湖東去闕湖西吾道青山一杖藜流水澗邊談妙理法華幢

裏識菩提佳人不怨才無福僧眾焉知佛有妻竹柏交陰禪入
定隔林疏磬晚鴉噉

飯雲栖歸

萬綠叢中萬竹深
信猿黃犬出谿溇
斯遊來飲上池水
常得惺惺已見心

疏筍山齋氣味投
儒家淡泊亦緇流
年來懶拙吾衰甚
酒興曾難一筆句

斷石經幢卧古苔
山僧三兩擔柴回
出門無一由旬地
黃葉聲多驟雨來

山隈敲仄到江隈
竹轎雙肩暝色催
不信冬心居士老
怒濤百里聽春雷

飲雪軒詩集

卷四

蘆江

五

漁網當門三兩家
夕陽無語一川斜
風帆沙鳥潮初上
碧葉蕭蕭蘆白花

寄李鴻渚親家司馬

宏滋

時丁亥初夏

南風不雨麥苗枯
夜月腰鎌憫野夫
多是君行赭山去
龍宮笑作雨師呼

田家

等閒芒種後先過
辛苦田家早晚禾
閒撥芹香雞燕壘
忙輸花課蜜蜂窠
夜潮宿漲東風競
朝霧冒山渴雨多
連日坐愁新穀糴
牧童猶唱飯牛歌

登天封壇懷古

金湯鞏固明州控仰叩天門雲滌滄百八十尺窳堵波風雨如
山兀不動登封萬歲溯通天天后祚唐禮佛先廣鑄佛圖立佛
塢甬東建置丙申年起訖天封名不苟峻嶒雄峙三江口此間
都會歲大興景統有言五百後天台山勢蜿蜒來南標赤堊西
大雷蛟關虎蹲東百里吐納靈潮海國開老蟬突起兜率宮金
曇變現生芙蓉寶相莊嚴瞻七級孤高上聳霄九重珊瑚欄楯
琉璃瓦灰蜃爛斑甄蟹下具大神通轉法輪能談劫廬長年者
合寫胸襟仙縹緲登臨絕頂青雲表江山大半文藻收日湖月
湖當杯沼乘時帝釋放祥光不數舍利阿育王遼鶴飛來尙城
市但聞搶鈴自語聲琅璫

詠鍾馗故實四首

戊子
夏五

飲雪軒詩集

卷四

六

啖鬼

鬼雄入夢抑何奇邪魅從今并啖之破膽有靈張舖後吞聲不
第下場時雙除虛耗沈灾澹腹飽彭亨大嚼宜鬱壘神荼皆辟
怪終葵多事誤鍾馗

嫁妹

雲駢鹿駕遠將迎小妹何堪別乃兄擇婿應教占鬼伯嫁殤原
亦等人情喜傾蒲酌當羊酒仙馭花輿數雁程薛荔女蘿真窈
窕紅榴一點漆燈明

移居

不愛終南老此身出山捷徑又何因路行犖确還馱駕室職高
明與比鄰大第長安新進士仙鄉佳婿舊姻親豬龍飢嚼黃金

屋小鬼椰揄怒目瞋

出獵

陰山夜獵大圍場
特起蒼頭盡鬼佞
鞭見山靈腥雨灑
鈴聞野魅陣雲張
藍袍簇擁驍鷹疾
烏帽倥傯俄立馬
僵赤腳行將龍尾
踏畫圖鬼趣點戎裝

擬少陵諸將五首用原韻

漢兵鏖戰賀蘭山
雪窖平填始入關
豈意將軍疆寄重
坐愁胡騎雨風閒
軍屯上谷千營久
血灑長河萬里殷
涇渭從來根本
地失圖方略士無顏

臨河三築受降城
節鉞論功典有旌
逆賊敢伸朝義討
中原竟借吐蕃兵
諸公狼顧三邊險
高祖龍興四海清
淪沒幾多州若
飲雪軒詩集卷四

七

郡常山遺恨耿難平

漁陽鼙鼓夜傳烽
花萼摧殘殿閣重
太息府兵遺制壞
可憐節度就軍封
勤王義旅疇先舉
轉饜行營亟上供
關輔河淮持久
計糧儲嗟咄大司農
閩外專兵將領標
觀軍容使總魂銷
一麾隊逐黃埃散
百斛珠微碧海寥
藩鎮虛聲衝鐵騎
侍中殊寵珥金貂
漢家萬國遵同軌
濟濟冠裳會請朝

崢嶸劍閣上皇來
一曲鈴淋萬古哀
扈從飄零西蜀地
羯胡合沓北輪臺
曲江諫主曾金鑑
嚴武籌兵此酒杯
道是錦城奚足樂
回鑾簇擁羽林材

示駮驥兩兒

收拾西冷舊燼餘浙東故籍幾藏儲兒今兄弟來扶老我有多
年未曬書

寄馮駒兩兒

風雨薊門倍黯然吳淞口外水連天兒今兄弟分南北寢夢來
歸路幾千

郊步

禾黍西風亟景彫黃蘆烏柏晚蕭蕭炊煙墟里寒鴉陣雙頂山
前七里橋

無復詩仙寄一瓢賭棋謝墅掩僧寮
衰糜臘入清齋散萬點梅花絳雪橋

老羞

飲雪軒詩集

卷四

八

蜘蛛網明簷坐愁秋風老空受雨露多經綸恥懷抱

己丑四月爲十三世祖齋二府君孝子祠落成敬賦

依依楊柳小村環孝子橋頭綠水灣
俎豆馨香崇廟貌管絃嘈雜念家山慈湖重刻遺書就董墓方清隧道還七百年來新族
望服疇食德世追攀

題閻立本畫職貢圖

左相沙漠功鼎鼎右相丹青廝役等欲圖王會侈明堂詔傳式
與蕭梁並有唐有事花門留驚鳥夜半呼延秋太宗開邊禍所
肇不通職貢兵早休迺歌七德舞七德宅中圖大垂無極諸蕃
入謁大明宮君臣相顧懼顏色紇羅敦肥陰山道碧眼胡兒紫
髯獠珠纓花鬘通天犀卉服島夷裝點好烏虜此畫傳千春車

書一統今 皇仁星源月媚皆漸被不事兵戈討不賓但事懷
柔綏遠人

越中四詠

粟里

百官舊里舜江東鄙語姚墟附會同猷敢於今耕稼外倉儲自
古委輸中千秋載紀重華績四海猶歌乃粒風斜日牛羊荒草
隴歷山誰氏賦稱工

蕺山

會稽風雨舊山河越絕書編采蕺歌構李兵戎讎固結姑蘇臣
妾涕滂沱捧心士女良圖少嘗膽君王苦志多望望吳中樵牧
去迷離石室尚煙蘿

飲雪軒詩集

卷四

九

梅市

何事休官漫隱淪始知仙尉卽忠臣千言有疏排宮闕四海無
家溷市塵不省封殷師事孔可憐篡漢運移新九江故里遙相
問禾黍秋風自壽春

柯亭

小劫焦桐爨下傷賞音猶遇蔡中郎清風椽竹思炎漢流水柯
橋話夕陽揚子舊亭銘刻古馬融新賦笛材良最憐嬌女胡笳
拍識曲無人此引嗶

己丑秋日送朱氏女歸餘姚

一年一度省親歸百里姚江我見稀最是一篷風雨夕淒涼哀
雁櫓聲飛

己丑九月癸亥夕夢中得句醒記其二

蛟水山鄉民未甦霍霖九月苦灾成人天有福須開賑海國無
憂已放晴積雨木棉心盡蠹經秋禾黍耳皆生救荒自古無奇
策彈壓黔黎乃請兵

辟邪翁

綵囊九日製香羅大好龍山載酒過辟惡長房仙去藥思鄉摩
詰醉中歌巖寒可禦先量壽虛耗能除有道科嶮佩已充知健
在更披獬服觸邪多

延壽客

瓊筵天啟會重陽嘉客招邀晉一觴晚節有香韓魏國尋詩無
侶駱賓王欲餐秋色還宜酒自抱冬心獨傲霜醉後逃禪憑說

飲雪軒詩集卷四

十

法此身不壞是金剛

庚寅春季

二月今年閏不遲梅花如雪又楊枝有書游子春闈藝無睡老
人曉枕詩欲卻愁魔惟中酒獨伸道力要知時一家四海同中
外何術自彊試問之

南宋雜事

鐵葉重門翠輦經一絲春柳幾灣青吳頭仙觀標天望如此江
山舊有亭

五國城

秦檜南還洪皓死九哥何幸又邦家秋邊目極南天遠五國城
頭散暮鴉

庚寅五月十三日赴姚江

百里姚江一夕程曉來栖泊蘆花處青山不解送迎人扁舟自來還自去

慈湖

青蓮龕傍佛浮圖樵有山僧晚擔孤夢墨峯前談妙澗淡煙疏磬落慈湖

吳相園林委綠蕪水濱問訊姓名無春風大雅吾師在不可濁清德潤湖

慈雲閣

誰直蕪心香先生拜老楊慈雲何處閣更築一椽將

集句寄劉十二

飲雪軒詩集

卷四

十一

團扇風前眾綠香荷花世界柳絲鄉因過竹院逢僧話始覺空門意味長

辛卯二月二十五日與長諤齋大令忠會葬童薇研侍郎

師華於鄞西麓山庵

細雨春江浴鸛鵝行行五嶺尙平坡蒼松作蓋天無縫翠苒葦絲水不波馬鬣崇封宿草滿龍綸諭祭整文多麓山一掬寒泉淚獨櫓舟搖野狗過

遵岐山渡半浦歸

難覓知音阮仲容老來蕭散郭林宗蘆灣野渡數聲櫓茅屋村墟何處春幾兩芒鞋樵采路雙肩竹轎客游蹤歸途暝色催鴉起煙雨明山隱映重

倉李菊圃方伯同年

用清

歸計秋田賦遂初廿年懽喜奉潘輿猪肝恐益知交累驢券何
勞博士書野東草人行避鳥江橫竹籜動驚魚懸車山右還相
問雲岫無心陶隱居

辛卯九月二十日醒枕落一齒傷已余自毀齒得三十二

至是豁然不可復補詩云黃髮兒齒豈作是想耶入秋
久雨病瘡稍閒往壽葉筠潭內翰森六十比返終宵困
憊齒脫亦宜嗟乎歲月飄忽性靈不居隨物遷化志士
所痛余以自灰亦以自奮餘光秉燭老學無裨幸存一
息庸敢頽喪勤學立品矢之沒齒或者繼軌前修於萬

一乎口占一詩

飲雪軒詩集

卷四

七

余年六十又加六卅有二齒脫盡速齒脫較量嗜好殊甯使飲
雪毋食肉瓜壺風雨野人廬食茲舊德銘餽粥言歸聖諦樂婆
娑百年荒荒一轉轂我雖衰老所欲奢西溟寒村相迫逐同學
少年別思深研摩文字經畬塾學爲經世有用材男兒不負詩
書腹課兒廿載復課孫未得課耕且課讀原上卷施未拔心養
親但益羣魚哭留此君親未報恩傳家清白兒孫勛端憂不
齒在人羣呀唔老去書城築秋來有夢觚稜熟翻願霑霖能作
蒼生福

早春

誰如金石壽芳序奈逡巡劫燼江鄉舊邊愁海國新病多傷我
老宦拙覺兒貧何物稱強項梅花開早春

寄方正甫觀察

義路

病風病瘡幾多時
陳檄拋來讀杜詩
筆下難能春在手
鏡中易見雪生髭
有心勸學防攻短
無術酬恩怕受施
竹轎輕便稀遠出
不堪腰腳強支持

讀孟子

戰國君王似豺狼
齒牙宓厲羣相當
戰國策士如瘦狗
投之以骨爭開口
舌兮搖弄掌兮抵
其志不過圖金紫
世無樂毅魯仲連
不將羞殺天下士
烏虜鳳麟之出聖者起
吾迺以是賢孟子

舟歸蜀山渡

密雲天釀雪微雨
暗江關一夕西風
暴飛颿達赭山

壬辰立春試筆

飲雪軒詩集

卷四

三

萬里春風萬緒牽
兒曹吳會又幽燕
楹環隱水親亡矣
座對明山道惘然
自分毫釐無一補
空令七十少三年
精神羨與梅花最
還寄新詩寫寸箋

戲不經鄖隩口入文谿

嵐氣朝來凝不分
春寒側側雨紛紛
山家幾縷炊煙起
化作紆徐出岫雲

東林合沓亂泉聲
無數松杉溼翠生
十里文谿諸澗水
出山猶是在山清

楊脩

運割金刀鼎祚溼
後先操莽一流人
凡爲劉氏思存漢
同是楊家不美新
文思獨多詹事日
殺機早伏讀碑辰
可憐耆德垂垂

老憤砥橋邊細草春

草灘

昨宵雨洗草灘塵料有潛魚發藻蘋向晚大方池上望白荷香裏獨垂綸

甕頭春酒暗香霏桑柘陰濃草色肥石磴停聲行就晚囊擔碾米叱牛歸

壬辰三月晦書家書後

論年七十未輸三勞我如何楊理庵宵短夢長長短路三男勸

北一江南

白註驥兒赴春闈胸兒以刑部官應試驥兒庶常散館驥兒令江南深陽

壬辰四月二日偕張誨齋年家廣文

世訓登赭山

棟風吹煥薄晴天與客山行我有綠藜杖大堪支兩腳竹轎便

飲雪軒詩集

卷四

四

可駕雙肩西來鶴浦江流曲南上龍湫石乳懸一覽前谿餘萬綠桑阡柳陌又秧田

沈沈悶悶忽推排軒豁江山老眼開驚萍松聲禪座起微茫粟

影估船來茶寮偶憩尋詩句竹院因過話劫灰入社陶潛懼把

臂雨香重上遠公臺

壽母橋晚眺

河流曲抱綠楊村莎草東園舊有墩獨櫓穿橋低不礙舟人背

指理庵門

秧田麥隴水縱橫三兩村農雨後耕人影漸長斜日路柳花風

送讀書聲

有事赭山西水利口占

赭山棹轉卸帆遲映斗橋頭水滿陂前後江程三十里丈亭繫纜候潮時

入浦隨潮達野航朱陳村北太原王河橋十里徐牽纜舵尾人謳大史楊

蘇梁深澹始通潮石佛亭東七里橋大放光明草舍利古巖居士舊書寮

浦名謝墅里安仁瘠鹵年年苦海濱安得禦鹹兼納淡就橋置閘在通津

城山舊治總荒涼泥堰潘家合謝郎遇旱若將河四塞權宜引水到蘇梁

水雲鷗浦鄭公鄉東甬江關一葦杭最是珉山橋畔路棹歌聲

飲雪軒詩集卷四

五

曳柳絲長

水際村晚

壬辰五月二日

蘋風幾度又棠陰楊柳村前夕照深策杖柴門無俗事讀書花嶼有清音干霄新竹扶搖勢含雨靈苗長養心谿上歸農行亦樂隴頭流水當鳴琴

士書文徵樓

芳序遷延去野花造次紅登樓無一事簾捲坐東風

讀蘭雪集

谿上風騷孰與論襟懷擊斂葦閒存寒村風廢橫山老光氣多慙飲雪軒

山書示駒驥兒京邸

十年勞我觚稜夢補衮多慙侍從臣滿眼青山安樂法到頭白
髮苦吟身揚州杜牧斯香土朝聖王維乃吳人經濟有書誰補
讀時光炳燭爾嚴親

鍾莊山前輩寶華示夢

自非忠孝不神仙梅尉兒孫識否賢廿載別君今見夢慈湖風
月與談禪

酌泉

酌泉覺爽敢言貪老我疏慵楊理庵俗吏風塵多熱客冰心一

片望江南驛兒令

亞父

亞父鴻門計太愚欲將魚肉沛公圖明知五采成雲氣可有屠

飲雪軒詩集卷四

龍手段無

憂患

人不憂患天不開冰霜消受看寒梅梅黃時節方成果爲有春

風次第來

寄呈童四先生鏡涵世姻丈章上虞學署

七十靈光叟明州健在人古虞樓署冷皖泉喜兒陳令子次山

由編修改官道員需次安徽親家觀察夏課文孫舊秋墳季子新文波李

王辰八月三日署按察使篆廉新故可能迴甬棹來就雪軒尊

書寄驪兒溧陽

軫恤蝗灾半賦和小春草木已昭蘇溧陽夢裏分明認米老翁

山舊有圖

壬辰冬杪嚴寒

水晶爲屋柱駭見太平橋雪霽仍風壯百年未一朝
藉山枯石井黃渡折冰橈覆溺者十三人梅令眞強項
凌寒獨不彫

學究

自知學間坐空疏一領青衿白髮餘
適館不常原擇主救貧第一在傭書
鹹齋淡飯磨牙後女嫁男婚畢力初雨
溼牀牀逢屋漏最愁風雪壓吾廬

經年不見陳雪樵年家比部康瑞賦贈壬辰十一月二十七日雪窗呵凍

嵩陽山長久推袁譚往傷今舌可柶
午饜圍風團酒氣夜牀聽雪冷詩魂
鐵崖老去常攜杖無已歸來且閉門
笑我蠹書魚近似歲除空復禮長恩

飲雪軒詩集

卷四

七

製藥

晨鴉嗁後少鳴蛙扶杖過來賣藥家
清潤槐陰閒坐處一池荷葉兩三花

壽母堂牡丹癸巳夏初與馮汲蒙茂才毓莘同觀

增冰積雪歲寒嗟蕉柿驚雷少凍芽
莫道春明無富貴石闌盛放牡丹花

癸巳秋分和鄭仁甫國學壽圻密蓮君孝廉清翰酬答韻

四首

一逢大雅愧言危太息衰慵苦費思
竹報稽遲三子信觚稜迨遞廿年期
醉來每有天真語老去曾無細律詩
醒枕五更風露曉滿階蟋蟀聽秋時

猶有荷香入酒卮一渠秋水澹人思閉門老我陳無已分社宜
君向子期蕉葉種成今日紙梅花債負去年詩可堪游醺歡娛
地意興都非少壯時

無當瑤卮取瓦卮不才鱸膾遂鄉思秋闈校藝談前事夏課徵
文書後期勞我蠅頭多作字續人貂尾少酬詩嫁衣金線還相
問花樣於今不入時

欲修秋襖泛蘭卮各騁妍詞與祕思自分忍飢借曼倩何當卻
老問安期知交座上休辭酒病叟尊前最愛詩會待龍山藜杖
策朋簪莫負菊花時

尋石蓮花 癸巳十月九日

昔聞妙法寺今過石人橋楓葉經時落蓮花顧影彫橫谿松作

飲雪軒詩集 卷四

六

後便地竹爲轎豈有朱翁子衰遲因采樵

曉臨東園墩 癸巳十一月五日

雞鳴古埭謝公墩莎草霜枯淺水痕我與蘆花寒照影白頭相

對兩忘言

涉歷

涉歷荆湘粵與燕歸來王子但青羶蟲魚風月從朋酒老我無

聞六十年

癸巳十一月朔日書事

江北神祠余使君笙歌士女競囂紛自營自壞嗟塵劫二百餘

人一火焚

送朱增 續基 癸巳十一月十二日
游臺灣撫幕

鄰柝已傳聲寒燈話二更長貧還作客屢試不成名鷓鴣沖霄
志鯨魚跋浪情梅花當破臘驛信待嘉平

卽事 癸巳臘八

風嘶窗紙座頻移梅影橫斜三兩枝書卷紛陳無著處一年又
遇撲塵時

偶書後漢書首卷 癸巳臘望

庾書滿架讀無時善本奚容多購爲劫燼灰飛談未了冬烘頭
腦太書癡

烏哺常愁進膳難廿年已事每心酸餘生願作書中蠹遺集摩
挲手澤存

十二月二十一日夕

飲雪軒詩集

卷四

九

七十行年少二年悼亡新賦淚潸然 痛亡室王夫人臘月既望子刻永訣 人緣老

去絲難斷厭聽人言壽夢圓

老妻卧病再經秋大半庸醫藥誤投 人瘦五分五味子十粒氣喘垂絕 若使還

丹留妙術劉綱夫婦豈無儔

兒女哀號絕續聲 駭兒親侍湯藥朱氏女臘月五日自餘姚歸省 孰云太上竟忘情更

深人靜泣幽咽總帳然燈暖不明

病急呼兒幾在旁壺公縮地竟無方宦游南北三千里二子都

門一懶陽

水火刀兵歷劫餘家貧親老重歡獻轉頭五十年來事誰與宵

深伴讀書

癸巳除夕

空房燈火夕無復話團圓既暨新喪偶今宵又歲闌病來腰腳
輒老去地天寬諸子各南北驟聞凶耗難

甲午元旦三十韻

新年六十九妻喪未三虞力疾祀祖禰族屬咸嗟吁枯瘠成骨
立慰言貌清癯察聲行自念霜鬢雪盈鬢我心重惻惻薄宦兒
曹圖無奈絕祛去親老垂桑榆

駭兒

幸親侍銓選未赴都僅注

種花籍熟中胡爲乎

阿連

兄之子穉斂事勤趨彫年景苦壺中

庭泣烏烏

駭兒

令瀨水水遙不可呼視事二年半免虧官項無

駒驥

供京職學業憂荒蕪長安居不易旅食自支吾我家尙不

給安得寄飛蚪料知奔喪日如山坐宿逋年家朱仲立作聳亦
羈孤臺灣依幕府橐筆爲飢驅有女來歸省裹藥以時須路遠

飲雪軒詩集

卷四

三

兒莫致望眼淚流珠南北幾千里雨雪載征途匍匐各就道提
挈妻與孥停棺遲遊子待殯南園隅因夢錢財送黔婁良非夫
我行神明負豕男先母殂諸男競科第分秩領縣符振災書報
最增級拜 恩殊夫人崇二品重壞哀榮俱潛翳悼淑儷遺挂
魂不蘇安排身後事歲首思鬱紆

沈悶

悶悶沈沈日勉支不將書卷手停披蓼蟲桂蠹相生活辛苦渾
忘老去時

甲午正月十日自題丙寅粵幕所繪小像距今二十八年

致不相識感而賦此

新春病起減容輝歲月崢嶸此逝機悔我無聞修省法不知六

十九年非

南逾湘漢北天津兩次蒙 恩得省親來往羊城經萬里百年
身外又何身

官樣文章坐腐儒蒼茫獨立禿頭奴但能朝夕麤聞道何恤今
吾不故吾

斷絃

甲辰春結稿癸巳冬病殆玉臂誰云寒清輝明月在且晝百年
好瑟琴五十載

村望

流水稻田新吾師農丈人光陰如過客魚鳥亦相親里老勤中
壽蘧廬物外春炊煙今晚起劫燼幾灰塵

飲雪軒詩集

卷四

三

夏課

蚊帳蛾燈夏課虔秀才異等讓人先尋常文會猶高興七十老
翁似少年

購林和靖遺集不得

東風燕子又誰家秋去春來信不差閱盡炎涼留憾事生平曾
未見梅花

